

# *ILAY RANO AVY*

## *AMIN'NY VATOLAMPY*

### *MANATRIKA MANDRAKARIVA*

 Mankasitraka isika izao maraina izao ny amin'ny Fanatrehan'ny Tompo Andriamanitra, izay nanomboka an'ireo fivoriana alohan'ny fotoana tamin'ny fanomezana antsika hafatra iray, hoe—hoe isika dia tokony “hihaino, hanaja” eo Anatrehany, hoe manana zavatra ho lazaina amintsika Izy. Azoko antoka fa hanao an’izay Nampanantenainy Izy. Mihazona Ny Teniny foana Izy. Ary noho izany dia mankasitraka isika ny tafavory miaraka, velona, ary amin’ity lafin’ny Mandrakizay ity izao maraina izao, ka afaka manompo ny Tompo indray, ary manangona ny tenantsika miaraka sy handre avy Aminy. Izany no antony ahatongavantsika miaraka, dia ho an’izany tanjona izany mihitsy.

<sup>2</sup> Ankehitriny, somary nanaitra an-dRahalahy Neville kely aho, tampoka, androany, nohon’nynofy iray izay azoko. Fa... Izaho dia mino ny...izaho...ny nofy. Mino aho fa mifanarakra amin’ny olona amin’ny alàlan’ny nofy Andriamanitra. Ary nahazo nofy iray tena tsy mahazatra aho, afak’omaly alina. Hoe, nandeha teny amin’ny sisin-kavoana iray aho, sisin-kavoana anankiray, nandeha teo amin’ny toerana fihinanana iray izay tokony hahazoako ny—ny sakafa harivako. Ary nahamarika aho fa, raha nanakaiky an’ilay toerana aho, nitendry zava-maneno izy ireo, orkesitra iray no nitendry zava-maneno, niaraka tamin’ny lokanga, ary nampifalifaly ny olona raha teo am-pihinanana izy ireo. Ary nisy zavatra iray mikasika an’ilay izy izay tsy tiako, noho izany dia nialako fotsiny ilay zavatra. Ary nihaona tamin’ny olona anankiray aho nihanika havoana iray. Dia njery aho, ary olona maro no nihanika an’ilay havoana nankeo amin’io toerana fihinanana io. Fa somary nanalavitra kely azy ireo aho, nihodina niverina nankany ankavanana, na, nankany ankavia.

<sup>3</sup> Ary na ahoana na ahoana, teny amin’ilay lohasaha, dia afaka nahita ny tabernakla aho. Nandre feon’olona iray aho, nanao hoe, “Mihaonà amin-dRahalahy Branham eny amin’ny fihaonan-dàlana izao sy izao. Hidina eo amin’ilay havoana eo izy. Ary teneno aminy ny zavatra izao-sy-izao.” Dia nandeha haingana ho tonga teo amin’io fihaonan-dàlana io aho.

<sup>4</sup> Ary rehefa tonga io olona io, dia Rahalahy Neville ilay izy nanao ny palitao sy patalo hany volontany, mitovy aminy mihitsy

mipetraka eo izao maraina izao. Dia hoy izy hoe, "Rahalahy Branham, raha handeha ho any an-tanàna ianao," hoy izy, "izany dia ho—ho zavatra iray tsara ho anao ny ho tonga, satria Rahalahy Hank..." Ankehitriny, ny anankiray tokana fantattro, Rahalahy Hank, dia Rahalahy Henry Carlson, izahay dia miantso azy hoe Hank. Hoy izy, "Mety mieritreritra izy fa ho hafahafa raha tsy mamangy ny tabernakla imbetsaka ianao raha ho eto amin'ny manodidina ny tanàna, na manodidina ny tanàna mandritry ny andro vitsy." Nifoha aho.

<sup>5</sup> Ary, tamin'io, dia somary nahatsapa ho hafahafa aho. Tsy te-hisalovana aho tamin'io fotoan'ny herinandro io, mandrapanontaniako an-dRahalahy Neville raha nanana zavatra iray manokana izy ho an'ity maraina ity, ho an'ny fiangonana. Noho izany dia tena tsara fanahy izy, tahaka ny isan'andro, hoy izy, "Tongava." Noho izany, dia tonga fotsiny izahay. Niantso azy aho efa tara omaly tolakandro, ka tonga izao maraina izao, tsy nampoizin'ny rehetra amintsika.

<sup>6</sup> Ankehitriny dia mino aho fa ho zavatra tsara iray, aloha, ho ahy ny karazan'ny—ny hanazava aminareo fotsiny zavatra sasantsasany. Izaho dia, natao, ho olona iray tena hafahafa amin'ny olona maro. Ary karazan'ny hafahafa aho ho an'ny tenako, ihany koa. Satria, miezaka aho ny manaraka ny fitarihan'ny Fanahy Masina, akaiky mihitsy arak'izay vitako. Ary izany no manao antsika ho hafahafa, hitanareo. Isika dia manao an'ireo zavatra izay isika—mipetraka marina tokoa isika ka manontany matetika hoe, "Nahoana aho no nanao zavatra iray tahaka an'izany?" Ahoana no mba nanaovako zavatra iray tahaka an'izany?" Ary amin'izay fotoana izay mihitsy dia mety mihevitra ianareo fa nanao marina tokoa an'izay tsy tokony nataonareo. Saingy raha tena haharitra fotsiny ianareo, ka manana finoana, ary azonareo antoka fa Andriamanitra no nitarika anareo hanao an'ilay izy, dia ho hitanareo fa mety tsara marina mihitsy tokoa izany. Hitanareo? Ary matetika no ahitantsika an'izany. Ary fantattro fa Rahalahy Neville dia nahita an'izany, matetika. Ary ireo mpitarika sy olona ara-panahy dia mahalala an'izany.

<sup>7</sup> Efa nisy matetika teo amin'ny fiainako fa...Am-pahatsorana, hatramin'ny naха-zazalahy ahy mihitsy, dia tsy mbola nahatsapa an'ilay tena fitarihana mihitsy aho hoe tokony hipetraka ao—ao Jeffersonville aho. Efa tsy nety ho ahy foana, ny miezaka hiaina eto. Ny voalohany, ilay toetr'andro mahatsiravina dia tsy mety amiko. Zavatra iray hafa, dia misy toy ny fanakorontanam-panahy iray ao.

<sup>8</sup> Raha miverina ianareo ka mijery eto any ho any, raha tsy rava nandritry ny fotoan'ny tondra-drano ilay izy, dia misy taratasy iray mikasika an'izany, izay nananako, tamin'ny niantsoana ahy voalohany tao amin'ny asam-panompoana, nanomboka niala aho. Ary izaho sy Rahalahy George DeArk...

<sup>9</sup> Ary ny renin-dRahalahy Graham Snelling, Rahalahy Hawkins izay miandraikitra an'ilay toeram-pivarotana solika any New Albany, ary maro tamin'ny olona, no nihaona tamiko tany ivelan'ny toerana fivoriam-bavaka kely iray teto. Ary nilaza mihitsy aza, fa raha hijanona aho, dia hitsitsy vola ho an'ny zanany izy ireo ho an'ny sakafo, mba—mba hanorenana tabernakla iray, mba tsy hahavoatery azy ireo ho entina mitety toerana.

<sup>10</sup> Rehefa nandre an'io reny kely io aho, niaraka tamin'ny zazakely anankiray nihazona ny tanany ary ilay iray hafa teo amin'ny sandriny, izay nilaza fa vonona izy ny hitsitsy vola ho an'ireo zanany ho an'ny sakafo, mba hanorenana toerana iray izay ahafahan'izy ireo mijanona sy manompo, dia mafy kely ho ahy ny hahatanty an'izany. Noho izany dia nivory niaraka izaho sy Rahalahy George ka nanapa-kevitra fa hijanona izahay ary hanorina ny tabernakla.

<sup>11</sup> Ary rehefa voaorina ny tabernakla, ilay izy isan'andro dia toy ny... Tamin'ny maraina izay nanokanako ny tabernakla, dia tonga ny fahitana iray, izay voasoratra ary ao anatin'ny vato fehizoro ao, rehefa nilaza tamiko ny Fanahy Masina hoe, "Tsy tabernaklanao ity." Hitareo? Dia nanontany aho hoe aiza ny tabernaklako, ka nametraka ahy teo ambanin'ireo lanitra manga Izy. Ary tamin'izay fotoana izay dia hoy Izy hoe, "Ataovy ny asan'ny evanelista," sy ny sisa, araka ny fantatrareo. Voasoratra ao anatin'ireo boky mihitsy aza izany.

<sup>12</sup> Voapetraka miaraka ireo zavatra rehetra ireo. Ary indray andro rehefa nanopaka ahitra teo an-tokontany any amin'izay ipetrahan-dRahalahy Wood ankehitriny aho, fa ny rafozambaviko no nipetraka tany tamin'izany fotoana izany; dia nipetraka teo amin'ny tohatra taoriania aho, tohatra vita simenitra tranainy, izay nanorenako an'io toerana kely io ho an'ny rafozam-baviko. Ary izy no karazana mpikarakara an'ilay fiangonana tamin'io fotoana io, nikarakara azy. Ary mazava tahaka ny ahafahan'ny olona iray miteny mihitsy, no niresahan'ny Feo iray tamiko, nanao hoe, "Tsy afaka hitahy anao mihitsy Aho raha mbola mijanona eto foana ianao. Tsy maintsy manasaraka ny tenanao amin'ny havanao sy ity toerana ity ianao." Eny, izaho, nanorotoro ahy ho potipotika mihitsy izany, nandritry ny teo amin'ny herinandro teo na mihoatra.

<sup>13</sup> Tsy ankitsahatra, isan'andro, dia nisy Zavatra nampitandrina ahy hoe, "Manalavira, manalavira. Mifindrà mankany andrefana. Manohiza mandeha any andrefana." Eny, izaho... Manelingelina ahy foana izany. Ary ilay izy isan'andro dia toy ny hoe...

<sup>14</sup> Ankehitriny, nataoko mazava tao an-tsaiko ilay izy hoe amin'io herinandro io dia hisidina ho any Tucson aho, izay tsy maintsy nanofako toerana iray, mba ho any amin'io ririnina io; hampiditra an'ireo ankizy any an-tsekoly, izay manomboka

amin'ny Septambra. Azoko ilay toerana. Nisy toerana iray mihitsy aza nomena ahy tany. Saingy nisy zavatra izay... Ary—ary raha mandeha aho...

<sup>15</sup> Zavatra hafa iray izay tiako ho lazaina. Talohan'ny nanorenananay an'ity trano eto ity mihitsy, ilay tranon'ny pasitera, izay misy azy ankehitriny, tsy tiako ny nanorina azy teo. Antitra ny renin'ny vadiko. Ary nitomany mihitsy aza izy mikasika an'izany, hoy izy hoe, "Tsy afaka mamela an'i mama eto mihitsy aho, amin'ny fahafantarana fa antitra izy, ary mety tsy ho voakarakara izy." Eny, azoko izany. Azoko. Ny reniny io, ary ny reny tokana izay hany nananany, na hany hananany. Noho izany, dia azoko izany. Noho izany aho—nivavaka tamin'ny Tompo aho, hoy aho hoe, "Tompo, satria tsy tiako ilay toerana," hoy aho, "dia ataoovy afa-po aho. Handeha any amin'izay rehetra Tianao handehanako aho, na aiza na aiza. Fa tsy te-hampalahelo ny vadiko aho, hitondra azy hiala eto, ho any amin'ny firenena vahiny izay tsy ahafantarany olona iray. Ary avy eo dia mandeha foana aho, na ahoana na ahoana. Ataoovy afa-po fotsiny aho ny ho eto miaraka aminy."

<sup>16</sup> Ary ankehitriny, rehefa nalaina ny reniny, ka lasa any amin'ny Voninahitra izy, tamin'izay fotoana izay dia indro fa tonga indray ilay famporisihana, hitanareeo, ankehitriny mba hanohy. Tsy fantatro izay hatao.

<sup>17</sup> Ary noho izany indray andro rehefa nanomboka nanodidina an'ireo rahalahy ity foto-pampianarana ity, dia nitsangana avy teo amin'ny polipitra aho tamin'ny fotoana farany naha-teto ahy ka niteny taminareo fa tsy ho eny amin'ny saha aho raha mbola niseho foana io. Noho izany, dia nahitsin'ireo rahalahy tamimpahatsaram-panahy izany rehetra izany. Nazava izany rehetra izany. Tao anatin'ny efatra amby roapolo ora, dia nifarana izany rehetra izany.

<sup>18</sup> Ankehitriny dia izany no manokatra indray an'ilay saha ho ahy. Tsy fantattro izay hatao. Tsy fantattro hoe lèlana iza no hihodinana. Nangataka fahitana iray tamin'ny Tompo aho. Nangataka Taminy aho mba hiteny amiko an'izay hatao. Saingy mamela ahy hipetraka fotsiny Izy.

<sup>19</sup> Ankehitriny, omaly hariva rehefa nanana an'ireo ankizy rehetra lasa aho, ny vadiko sy ny rehetra, niala tao an-trano, dia nanao fanekena iray tamin'ny Tompo Andriamanitra aho. Dia hoy aho tamin'ny Tompo Andriamanitra hoe, "Raha hitahy ahy Ianao any amin'ny lèlana izay alehako, dia hanompo Anao aho. Saingy tsy maintsy Asehonao ahy izay halehako, ary ahoana no handehanana, sy izay hatao." Noho izany, dia nametraka ny tenako tamin'ny Tompo aho. Miaraka amin'ny—miaraka amin'ny asam-panompoana sy ny rehetra, napetrako tamin'ny Tompo izany. Dia hoy aho hoe, "Na aiza na aiza Sokafanao, na inona na inona Ataonao, dia ao amin'izany lèlana izany no handehanako. Mandra-Panaonao lèlana iray, dia hanohy fotsiny

arak'izay maha-izy ahy aho mandra-Panaonao an'ilay lâlana." Dia nangataka Azy aho hanao an'ilay izy tena mazava mba tsy haha-voafitaka ahy amin'izay fotoana izay, satria mino marina tokoa aho fa eo amin'ny fihaonan-dàlana iray an'ny zavatra izay hitranga mihitsy isika.

<sup>20</sup> Nandre an'izany naminanian-dRahalahy Neville aho teto izao maraina izao, na nanome an'izany izay fantattro fa izany dia—izany dia efa faminaniana iray izay nitodihany. Ankehitriny, noho izany, dia nivavaka ho anareo rehetra aho, ary mila anareo rehetra hivavaka ho ahy, mba hitarahan'ny Fanahy Masina ahy marina tokoa eo amin'izay tokony halehako, izay tokony hataoko, mba tsy hanaovako fahadisoana.

<sup>21</sup> Hitanareo, matetika, ny olona dia mihevitra fa ny fanomezana ara-paminaniana iray, dia milaza fotsiny Andriamanitra hoe "Hitondra anao eto mihitsy Aho, ary hametraka anao eto. Ankehitriny dia mandehana eto fotsiny mihitsy ianao." Fa tsy miteny aminareo an'ireo zavatra rehetra ireo Izy. Raha niteny Izy, amin'izay fotoana izay dia finoana mandresy inona no nanananareo? Hitanareo? Hitanareo, ianareo, mamela anareo hijoro irery mihoatra noho ny olon-kafa Izy. Hitanareo? Afaka manatona ahy ianareo rehetra ka mangataka an'ireo zavatra sasany, ary tsy mbola diso Izy tamin'ny Nanomezany anareo ny valiny. Marina izany. Hia. Fa afaka mangataka Aminy an'ireo zavatra ho an'ny tenako aho, nefä matetika dia mamela ahy irery fotsiny Izy, hitanareo, mamela ahy mandroso fotsiny ary miditra ao amin'izany.

<sup>22</sup> Manana zavatra aho ankehitriny izay tsy maintsy vahako irery, ary fanapahan-kevitra izay tsy maintsy raisiko. Ary izany dia anankiray lehibe, hany ka tsy afaka mandray azy marina tokoa aho raha tsy azoko antoka fa Izy no miteny amiko. Ary izaho—izaho... Izy dia tsy hanome ahy fahitana iray. Mamela ahy irery fotsiny Izy. Noho izany dia mipetraka ho kamboty iray fotsiny aho, tahaka an'izany, izao maraina izao, izaho—tsy fantattro izay lâlana hihodinana. Noho izany, dia napetrako tamin'ny Tompo izany.

<sup>23</sup> Izaho—mahatsapa ho tahaka an'izany aho arak'izany, tamin'ny fanofisana fa, tokony hiverina eto amin'ny tabernakla aho ka hanampy an-dRahalahy Neville mandra-pisehon'ny zavatra hafa fotsiny eo amin'ny lâlana. Noho izany, dia hiverina aho.

<sup>24</sup> Nanontany an-dRahalahy Neville aho fotoana vitsy lasa izay hoe, "Toy ny ahoana no fandrosoan'ny fiangonana?"

Dia hoy izy hoe, "Tsara."

<sup>25</sup> Ary noho izany dia reko fa mbola manana an'ireo fanomezam-pahasoavana ara-panahy sy ny sisa foana ianareo eo anivonareo, izay miasa, ireo fanomezam-pahasoavan'ny faminaniana, sy-sy fitenenana amin'ny fiteny tsy fantatra,

ary fandikana ny fiteny tsy fantatra, izay vao avy rentsika fotoana vitsy lasa izay. Ary ireo zavatra ireo no manangana ny fiangonana, ary lehibe tokoa.

<sup>26</sup> Fa nieritreritra aho, rahariva aho angamba dia mety, raha Rahalahy Neville... Raha tsy mitarika antsika any amin'ny zavatra hafa ny Fanahy Masina, dia tiako rahariva ny hanana ny... Ianareo rehetra, alohan'ny hialanareo izao maraina izao, mba hanoratra fanontaniana iray ianareo ka hametraka azy eto, fanontaniana iray ao an-tsainareo, mba ahafahantsika mahita an'izay eritreretin'ny fiangonana. Saiky izany no fomba ananan'ireo pasitera hahitana fotsiny an'izay ao ampon'ny olona. Ary ny tsirairay avy aminareo miaraka amin'ny fanontaniana iray, soraty ilay izy ary apetraho eto izany. Raha tsy manana silan-taratasy iray ianareo mba—mba hanaovana azy izao maraina izao, amin'izay fotoana izay dia soraty ilay izy rahariva, aloha be. Noho izany, dia tiako ny hanana fotoana betsaka mihitsy arak'izay vitako, eo amin'izy ireo, handinhako azy ireo sy hamaliana anareo ara-tSoratra.

<sup>27</sup> Noho izany raha sitraky ny Tompo, raha izany no sitrapon'Andriamanitra; efa nanao filazana iray aho teto vao tsy ela akory izay, hoe hiresaka aminareo ny amin'ireo Tombokase fito farany aho an'ny... an'ny Apokalypsy. Ankehitriny isika raha... Tsy afaka maka an'ireo Tombokase rehetra ireo amin'ity taona ity aho, satria izany dia mila manomboka amin'ny toko faha-6-n'ny Apokalypsy, hatrany amin'ny—hatrany amin'ny toko faha-19, mba hahavitana an'ireo Tombokase ireo. Fa ny telo voalohany na ny efatra amin'izy ireo dia mety ho voavalý ao anatin'ny hariva iray, heveriko, ny Tombokase tsirairay dia ho hariva iray.

<sup>28</sup> Ankehitriny, raha mahazo isika, dia jereo eo amin'izay nijanonantsika mihitsy teo amin'io Bokin'ny Apokalypsy io, izay nampakarana an'ilay Fiangonana nankany amin'ny Voninahitra, noho izany ny sisa amin'izany dia miresaka ny amin'ireo Jiosy, fa tsy amin'ilay Fiangonana mihitsy. Izany dia miresaka ny amin'ilay firenena Jiosy. Noho izany dia tsy maintsy miverina any aoriania isika, manomboka amin'ny Fampakarana an'ilay Fiangonana, ka mandray... Hitantsika eto izay miseho mandritr'ireo Tombokase ireo, sy ny fotoan'ilay Fiangonana Jentilisa. Efa lasa ilay Fiangonana; ary miaraka amin'ny firenen'ny Israely, miverina any aoriania izany ary mitondra ny Israely manomboka amin'ny fotoana namelàna azy ireo, hatramin'ny fotoana moderina; sy ilay Mesia izay ho avy, rehefa handray ny Mesia izy ireo.

<sup>29</sup> Azonareo ve ilay izy ankehitriny? Nakarina ilay Fiangonana. Mifanaraka amin'ilay Fiangonana aloha Andriamanitra, ireo Taonan'ny Fiangonana. Nalaintsika izany. Avy eo dia nakarina nankany amin'ny Voninahitra ilay Fiangonana. Avy eo dia miverina ny Fanahy Masina ka maka ny Israely, amin'ny maha-

firenena iray. Ary mitondra azy hatreto, raha mbola mandeha ilay Sakafo harivan'ny Mpanambady, ary avy eo dia mitondra Azy ireo hiverina indray amin'ny fiafararan'i fotoana io. Hitondra ny solairabeko aho, ary ho afaka ny hanao sary an'izany sy hampianatra an'izany, rehefa tonga ny fotoana. Avy eo dia miverina miaraka amin'ny Ampakarina ny Tompo, ka mahita azy i Isirael. Ary, oh, ho fotoana iray toy ny inona izany!

<sup>30</sup> Ankehitriny, alohan'ny ahafahantsika hamatotra marina an'izany, dia misy lesona lehibe iray izay fahatafintohinana iray ho an'ireo teolojiana sy ny maro, ary ireo mpampianatra nanerana ny taona, sy ireo olon'ny Fianganan'i Kristy ary ireo izay tonga hihaino an'ity, izany dia, ireo Fitopolo Herinandron'i Daniela. Isika dia manana... Tsy afaka handeha lavitra ao amin'ny Apokalypsy intsony isika raha tsy mamato tra an'ilay Ampakarina sy Isirael miaraka amin'ireo Fitopolo Herinandron'i Daniela. Ary angamba, raha sitrapon'Andriamanitra, raha tsy maintsy hiresaka amiko Izzy amin'ny ho avy, mba hiresaka eo amin'ny sasany amin'ireo Fitopolo Herinandro ireo... na, tsy ireo Fitopolo Herinandro, fa ireo Tombokase fito farany. Noho izany amin'ny Alahady heriny, dia hiezaka aho ny haka an'ireo Fitopolo Herinandron'i Daniela, amin'ny Alahady heriny, raha sitrapon'ny Tompo. Ary amin'izay fotoana izay dia izany no hanokatra ny toerana arak'izany, raha hitarika antsika Izzy, mba hanomboka eo amin'ireo hafa. Eny, hahita isika manomboka amin'io fotoana io.

<sup>31</sup> Izaho sy Rahalahy Neville dia hiasa miaraka eo amin'ity, sy hanao ny zavatra rehetra izay vitanay ho an'ny tombontsoan'ny olona.

<sup>32</sup> Ankehitriny, isaky ny miverina, dia mivavaka ho an'ny marary isika, faly foana isika ny manao an'izany. Ary hanao an'izany isaky ny favoriana angamba aho, raha marary ny olona, hivavaka ho azy ireo.

<sup>33</sup> Tsy maniry hanana famantarana intsony aho. Hitanareo, ankehitriny dia ity no nitranga. Efa nanandrana aho. Ary fantattro fa efa nanao an'ireo zavatra izay diso aho; saingy niezaka aho ny hiaina akaiky kokoa an'Andriamanitra, isan'andro, an'Andriamanitra, tahaka an'izany no nitrangan'ireo fahitana ireo, toy ny ahoana no nisehoan'izy ireo. Na dia ireo olona izay nahavery zavatra aza, ka miantsao ahy, dia mangataka ahy mba hivavaka amin'ny Tompo, mba hanontany hoe taiza no nisy an'ilay izy. Tahaka an'i Jese nahavery an'ireo ramole, ka nandeha ireo zazalahy mba hahita an'ilay mpaminany, ary niteny tamin'izy ireo izy fa efa niverina any an-trano ireo ramole. Sy ny sisa tahaka an'izany, mety tsara tanteraka daholo izany. Saingy tena misy betsaka an'izany, tena olona betsaka... Tsy amin'ny toerana tahaka an'ity fotsiny; ilay izy dia manerana an'izao tontolo izao, hitanareo. Noho izany fotsiny ilay izy dia manao, mihazona ahy ho tena torotoro, ary avy eo dia mihazona

anareo ho mikorontana foana, mandra-pahatongany eo amin'ny toerana iray . . .

<sup>34</sup> Ary izany no mahatonga an'ireo rahalahy hanomboka an'ilay foto-pampianarana, hoe izaho no Jesosy Kristy Tompo nitsofoka. Ary fantatsika fa izany dia handrovitra mihitsy an'ilay Asampanompoana ho potipotika tanteraka, ka mitondra latsa eo amin'i Kristy sy ny sisa. Hitanareo? Koa izany no antony tsy maintsy nanomezako azy ireo fanozongozonana lehibe iray, mba hampijanona an'izany eo no ho eo, mba hampahafantatra azy ireo fa tsy avy tamin'Andriamanitra izany, avy tamin'ny devoly izany. Hitanareo? Ary olona tsara izy ireo. Ary izany no naneho fa ireo olona ireo dia nateraky ny Fanahin'Andriamanitra indray, satria, rehefa nahita ny Fahamarinana tamin'ny alàlan'ny Soratra izy ireo, dia niverina tamin'Andriamanitra, marina tokoa, hitanareo, teo no ho eo. Noho izany, izany no naneho fa Satana miezaka hanao zavatra miaraka amin'ny olona izany; izy rehetra dia olona masina, Kristiana.

<sup>35</sup> Ary izany no nanao ny maro tamin'izy ireo hilaza tamiko hoe, “Rahalahy Branham, manana fahatokiana anao betsaka noho ny nanananan hatramin’izay izahay ankehitriny.”

<sup>36</sup> Satria, hitanareo ve izay, niaraka tamin'ny fanomezam-pahasoavana izay nomen'Andriamanitra ahy, izay azoko natao niaraka tamin'izany? Nanipy an'ilay firenena teo amin'ny tongotro, na, ireo olona. Izay antsointsika hoe *firenena iray*, dia tsy “kosmos” eto, ilay-ilay fonon-tafondro sy ny sisa. Ny tiako lazaina dia ireo Kristiana, ilay tena mpino, izany ilay herotry ny . . . Isika dia miresaka ny amin'ny *firenena*, isika dia mitory ny amin'ny “olona nateraka indray,” izany no resahantsika, ilay firenena. Tsy ny olona rehetra eto ivelany eto mihitsy, izay tena maloto sy ny loto izay iainantsika ao amin’izao tontolo izao, izany fotsiny dia—izany dia vovoky ny tany izay miverina fotsiny. Miresaka ny amin'ireo Kristiana nateraka indray aho, ireo olona izay tena Kristiana.

<sup>37</sup> Miandry olona iray hitsambikina eo amboniko indray aho mikasika zavatra iray. Nanatona ahy ny olona iray vao tsy ela akory izay, ka nanao hoe, “Ilay tena hevitra, mikasika an'i Kristy izay nandrora tamin'ny tany, niaraka tamin'ny Rorany, ka nanao feta ary nanosotra an'izany teo amin'ny mason'ny olona iray.” Hoy izy, “Maloto, sy feno loto toy ny ahoana izany, Izy mandrora, miaraka amin'ny Rorany avy tao amin'ny Vavany! Tsy ara-pahasalamana toy ny ahoana izany, ny mandrora ao amin'ny loto, ary manao fetam-potaka ka mametraka an'izany eo amin'ny mason'ny olona iray.”

Hoy aho hoe, “Saingy niverina nahita izy.” Hitanareo, izay ilay izy.

<sup>38</sup> Ary io lehilahy iray io ihany! Nanokatra toby iray an'ny mpitanjaka izy ireo tany teo akaikin'ny toerako, fantatrareo,

ilay dobo filomanosana. Ary—ary io lehilahy io dia nanana tapakila iray handehanan'ny tsirairay avy amin'ireo zanany any sy hilomano ao amin'io dobo io. Ary izy sy ny vadiny dia mandeha, ihany koa, ao amin'io dobo io. Mamelà ahy, ry anabaviko. Fa eo ireo vehivavy ireo no milomano, saiky zato amin'izy ireo, na roan-jato, isan'andro; ireo vehivavy, io loto sy ny sisa rehetra io, ary ireo vehivavy amin'izao andro izao, ary misasa manerana an'io rano io, io fahalotoana sy loto io ao anatin'ny vavan'izy ireo, ary mitelina an'izany sy mandrora an'izany. Mila azy hitsambikina eo amiko fotsiny aho, hitanareo.

<sup>39</sup> Hoy izy ireo hoe, “Raha—raha velona Kristy androany, dia ho nosamborin'izy ireo Izy mikasika an'io zavatra tsy arapahasalamana io.”

<sup>40</sup> Ahoana ny amin'io? Azoko antoka fa takatrareo izay tiako lazaina. Mandeha avy hatrany ao amin'io dobo io izy ireo, ary maro amin'izy ireo no tratry ny aretina, sifilisy, angatra, sy ny zavatra hafa rehetra, ao anatin'ny mihitsy. Ary mandrora an'izany mihitsy avy eo amin'ny vavanareo, sy ny zavatra rehetra tahaka an'izany, nefä missasa manerana ao anatin'ny ao tahaka an'izany. Ary izany ve no ara-pahasalamana, mazava ho azy?

<sup>41</sup> Noho izany, oh, oadray, ity andro iainantsika ity, rahalahy, ranabavy! Izany no fotoana ho an'ny Fihavian'ny Tompo! Ary fanantenana tokana no ananan'ilay Fiagonana, ary izany dia ny Fihavian'ny Tompo.

<sup>42</sup> Eny, tsy afaka mampijanona an'ireo zavatra ireo aho; tsy ilaina izany. Efa nilaza mialoha ny Baiboly fa ho eto izy ireo. Tsy afaka mampijanona azy ireo aho. Fa tiako ho eo amin'ny fandraisam-peo any An-danitra ny feoko, hoe nanohittra an'izany aho, rehefa tonga ny fotoana ho an'ny Fitsarana. Nanohittra an'izany aho.

<sup>43</sup> Mbola mino foana aho fa ity Baiboly ity no Tenin'Andriamanitra. Noho izany dia tsy misy na inona na inona hafa eto amin'izao tontolo izao, mifanohittra Aminy, izay hany afaka hampijanona Azy. Fa ity Baiboly eto ity, ity no Fahamarinana, ity no Tenin'Andriamanitra. Koa ankehitriny dia ndao fotsiny isika hampidina an'ireo—ireo—ireo lain-tsambantsika, ka hifikitra vetivety eo amin'ny morona feno fiadanana an'ilay Seranan'ny Fitsaharana. Ary—ary afaka hisosa any ho any isika rahampitso, saingy ndao fotsiny isika hifikitra ankehitriny ka hihaino an'ilay Feon'ny Raintsika any An-danitra raha hiresaka amintsika Izy amin'ny alàlan'Ny Teniny, mahatoky isika, androany.

<sup>44</sup> Ary rahariva, ankehitriny, miomàna ianareo na inona na inona fanontaniana kely izay anananareo. Ankehitriny, tsy hoe zavatra izay handratra olona iray. Raha manao an'izany ianareo, amin'izay fotoana izay dia izany no... Tsy hamaly an'izany anankiray izany aho, eo am-panombohana, hitanareo.

Fa ianareo, zavatra iray hafa, manao hoe, "Eny, ankehitriny, raha manao zavatra *anankiray* aho, dia milaza ve Andriamanitra fa tokony hanao an'ity isika?" Na, fantatrareo, ireo fanontaniana kely eo amin'ny fonareo. Na, "Manana fanomezam-pahasoavana izahay miasa aminay, Rahalahy Branham, ka tokony hampiasa azy ireo tahaka an'ity na tahaka an'itsy ve izahay? Na, inona no tokony hataonay?" Zavatra iray izay azoko hamaliana anareo ao amin'ny Soratra, hitanareo. Manorata zavatra kely iray. Ho faly aho. Ary raha tsy misy, amin'izay fotoana izay dia haka karazana lohahevitra iray fotsiny aho, ka hitory aminareo rahariva, raha sitrapon'ny Tompo. Alahady izao, ary izaho efa . . .

<sup>45</sup> Tamin'ny Alahady lasa aho dia nanomboka nandeha nankany amin-dry Rahalahy Caube. Ary nandre ny lakolosin'ity fiangonana ity naneno aho, ka nandeha nandroso sy niverina fotsiny teo an-tokontany. Tsy afaka nahatanty an'izany aho. Izay ihany. Nandre anareo aho, noho izany aho—aho—tsy maintsy tonga fotsiny aho.

<sup>46</sup> Koa ankehitriny dia ndao fotsiny isika hanondrika ny lohantsika ankehitriny ka hiresaka amin'ilay Mpanao antsika, ary ao amin'ny tonom-bavaka iray arak'izany. Misy olona manana fangatahana manokana ve? Atsangano fotsiny ny tanganareo, manao fotsiny hoe, "Izaho . . ." Ampahafantaro fotsiny izany. Andriamanitra no mahafantatra an'izay ao amponareo. Ankehitriny dia hazony ao an-tsainareo fotsiny ny fangatahanareo.

<sup>47</sup> Andriamanitra Masina indrindra, Izay namorona ny Lanitra sy ny tany tamin'ny alàlan'ny Teny avy amin'ny Vavanao, tamin'ny alàlan'ireo eritreritry ny Fisainanao. Miditra ao amin'Ny Fanatrehao izahay, amin'ny alàlan'i Jesosy Kristy, Tomponay, mba hanome Anao ny saotra noho izay rehetra Nataonao ho anay. Ary tena mankasitraka Anao izahay, Tompo, izao maraina izao, ny mahafantatra hoe aiza izahay no mitsangana, ny mahafantatra ny toerana izay misy anay izao maraina izao, ary ny tantaran'ny fotoana, sy ny ho avy izay ho tonga. Mahafantatra androany, fa nohon'ny fahasoavan'Andriamanitra, dia voasasa tao amin'ny Ràn'i Kalvary izahay, ka vonona izahay, miaraka amin'ny finoana ao am-ponay, ny hihaona Aminy raha tsy maintsy ho avy Izy androany. Tsy maintsy hilaza izahay hoe, "Eny tokoa, avia, Tompo Jesosy."

<sup>48</sup> Ary hitanay fa manao antontany ny fahotana, hany ka toy ny hoe mivembena eo ambanin'ny fiantraikan'ny fahotana izao tontolo izao. Toy ny ahoana io fisotroana sy filokana io, sy koràna, sy fitanjahana, sy, O Andriamanitra, ny fahalotoana, sy loto ary ditin'ny olona. Ary ahoana izy ireo, raha afaka mahalala fotsiny izy ireo, Tompo! Ireo olona ireo ve, izay miakanjo tahaka an'izany ao anatin'ireo akanjo kely tsy masina ireo, ka mivoaka eo an-dàlambe eo, fantatr'izy ireo ve fa tsy misy afa-tsy bibikely

sy vovoka izy ireo, ka angamba ao anatin’ny herinandro hafa iray dia ireo bibikely no hihinana an’io vatana izay tena omen’izy ireo voninahitra io? Fantatr’izy ireo ve fa ireo olitra no handany an’izany, ka ny fanahin’izy ireo dia ho ao amin’ny Mandrakizay iray tsy misy an’Andriamanitra any, tsy misy an’i Kristy, tsy misy fanantenana iray, milentika ao anatin’ny fahadisoam-panantenana lalina, mba ho ringana fotsiny amin’Ny Fihaviany? O Andriamanitra, omeo anay ireo feon’ny—ny fampitandremana, mba ahafahanay mampitandrina ny fanahy tsirairay ny amin’io loza izay anatonan’izy ireo io.

<sup>49</sup> Mombà anay androany. Omeo anay “ireo tenin’ny fahendrena,” tahaka ny nolazain’i Solomona indray mandeha ao amin’ny Mpitoriteny, fa izahay dia ho “mpanorina hendry,” fa izahay dia ho “mpiandry ondrin’ity fiangonana ity.” Ary mivavaka izahay, Tompo, raha mikaroka an’ireo teny ho lazaina izahay, mba hahatonga azy ireo ho—hahatonga azy ireo ho sangan’asa izay hahatakatra ny fo izay tena manana ilaina eto izao maraina izao.

<sup>50</sup> Tsy tonga izahay ka hiangona eo ambanin’ity tafo mahamay ity androany, mba ho hita fotsiny, fa tonga eto izahay satria tianay Ianao, ary satria maniry ny handre avy Aminao izahay. Ianao no Mpitia anay izay tianay, ka maniry handre an’ireo Teny avy Aminao izahay. Mankasitraka izahay ny amin’izay efa renay. Izany dia hijanona ela miarak aminay. Ankehitriny dia omeo anay ny ampahany izay Anananao ho anay androany, raha miandry Anao hatrany izahay. Mangataka an’izany amin’ny Anaran’i Jesosy izahay, ary nohon’ny Aminy. Amena.

<sup>51</sup> Ankehitriny izany dia...[Miteny amin’ny fiteny hafa ny anabavy iray. Manome ny fandikana ny rahalahy iray—Mpand.]

<sup>52</sup> Mankasitraka isika ny amin’ireo fanandratana avy amin’ny Fanahy ireo, miteny amintsika sy mananatra antsika izy ireo mba hitandrina ny Teny ho lazain’ny Fanahy Masina amintsika angamba androany. Ary tsy fantatsika mihitsy izay Ananany ho antsika ao amin’ny fitehirizana, saingy tena fantatsika fa tsy maintsy misy zavatra izay ho Entiny. Angamba misy fanontaniana iray ao an-tsainareo, izay ho Teneniny amin’ny alàlan’izany. Mety hiteny an’izany amin’ny alàlan’ny Hafatra Izy izao maraina izao. Mety hiteny an’izany Izy rahariva amin’ny fivoriana. Izy, any ho any androany, dia hiezaka Izy ny, toy ny hoe, hampitandrina olona iray hahatakatra ny Teny.

<sup>53</sup> Ankehitriny mba hamadihana ao amin’ny Teny voasoratra, dia ndao isika handeha ao amin’ny Bokin’ny Eksodosy, ho an’ny leson’ny Sekoly Alahady.

<sup>54</sup> Manana fotoan’ny batisa iray ve ianao? [Hoy Rahalahy Neville hoe, “Tsia, tsy misy raha tsy rahariva amin’ny enina ora.”—Mpand.] Tsia. Amin’ny enina amin’ity tolakandro ity ny fotoan’ny batisa.

<sup>55</sup> Ndao isika handeha ao amin'ny toko faha-17-n'ny Eksodosy, ary manomboka amin'ny—amin'ny andininy faha-5, mino aho, andininy faha-5 sy faha-6-n'ny toko faha-17-n'ny Eksodosy.

*Ary hoy ny TOMPO tamin'i Mosesy hoe, Mandrosoea eo anoloan'ny olona, ary itondray miaraka aminao ireo loholon'ny Isirael; ary ny tehinao, ilay nikapohanao ny renirano, dia ento eny an-tànanao, ka mandehana.*

*Indro, hijanona eo anatrehanao aho...eo ambonin'ny vatolampy any Horeba; ka...dia hikapoka ny vatolampy, ka hisy rano hivoaka avy aminy, izay azon'ny olona sotroina. Dia nataon'i Mosesy teo imason'ireo loholon'ny Isirael izany.*

<sup>56</sup> Ankehitriny raha tsy maintsy hiantso an'ity ho lahateny kelin'ny Sekoly Alahady aho, dia tiako ny haka an'ity ho lohahevitra ho an'ity lesон'ny maraina ity hoe, *Ilay Rano Avy Amin'Ny Vatolampy Manatrika Mandrakariva.*

<sup>57</sup> Fantatsika fa Isirael dia efa ohatra ara-tantara iray foana an'ny fiangonana. Satria, Isirael dia vahoakan'Andriamanitra mandra-pivoakan'izy ireo avy tao Egypta, ary tamin'izay fotoana izay izy ireo vao lasa ny fiangonan'Andriamanitra satria nosarahina tamin'ny sisa tamin'izao tontolo izao.

<sup>58</sup> Ary rehefa nosarahina tamin'ny sisa tamin'izao tontolo izao isika, amin'izay fotoana izay isika dia lasa ny fiangonana. Fa raha mbola mifanjevo amin'ny sisa amin'izao tontolo izao foana isika, amin'izay fotoana izay isika dia tsy ao amin'ny fiangonana. Ankehitriny dia mahatoky aho fa mandeha tena lalina izany, mahatakatra ny toerany. Hitanareo, tsy ny fiangonana isika raha tsy nosarahina tamin'izao tontolo izao. Saraho ny tenantsika, mivoaha avy eo anivon'ireo olona tsy madio, aza mifanaraka amin'izy ireo, ary aoka tsy ho mpandray anjara amin'ny fahotany. Aza mitondra zioga miaraka amin'ireo tsi-mpino, fa saraho amin'ireo zavatr'izao tontolo izao ny tenanareo.

<sup>59</sup> Ary rehefa tany Egypta ny Isirael, dia vahoakan'Andriamanitra izy ireo. Avy eo rehefa nantsoina hivoaka izy ireo, na nanana an'ilay fifindrana, nivoaka, dia tamin'izay fotoana izay izy ireo no nantsoina hoe ny fiangonana, satria tamin'izany izy ireo no nanasaraka ny tenany tamin'ny sisa tamin'izao tontolo izao.

<sup>60</sup> Ary ilay tena teny hoe *fiangonana* dia midika hoe “nantsoina hivoaka.” *Eksodosy*, “mivoaka.” Ny tsirairay avy amintsika, amin'ny maha-Kristiana, dia efa nanana fifindrana iray teo amin'ny fiainantsika. Nanana fotoana iray isika fony isika nantsoina hivoaka avy teo anivon'ireo mpiara-miasa amintsika, nantsoina hivoaka avy teo anivon'ireo olona izay niombonantsika fahiny, ka lasa olona hafa, mba handeha miaraka amin'ny vahoaka hafa iray izay nihetsika tamin'ny

fomba hafa ary niresaka tamin'ny fomba hafa. Izany no fifindrana iray teo amin'ny fiainantsika.

<sup>61</sup> Ohatra tena tsara tarehy iray no nomen'ny Isiraely antsika, rehefa niantso azy ireo hivoaka Andriamanitra. Nanana fifindrana iray izy ireo, ary nivoaka avy teo anivon'ireo—ireo olon'izao tontolo izao, ka lasa firenena voasaraka iray, ho an'Andriamanitra, vahoaka hafa iray. Nandeha teo ambanin'ny aloky ny sezan'ny famindrampo izy ireo. Niaina sy nandeha tamin'ny alàlan'ny Andry Afo lehibe izy ireo. Ary Andriamanitra no nitondra azy ireo nanomboka tany Egypta, ka hatrany amin'ilay tany izay Nampanantenainy.

<sup>62</sup> Ary, tao amin'ity fifindrana ity, dia nomena mpitarika ara-panahy iray izy ireo, mpitarika iray, dia i Mosesy, mpaminany lehibe iray voahosotra izay—izay lehilahy malaza iray. Lehilahy masina iray izy, teraka ho lehilahy masina iray izy. Andriamanitra no niantso azy fony izy tao amin'ny reniny, talohan'izany fotoana izany mihitsy aza; Andriamanitra no nanendry azy talohan'ny fanorenana an'izao tontolo izao, mba ho mpitarika iray an'io taranaka io, hitondra an'io fifindrana io ho an'ny olona.

<sup>63</sup> Teto fotoana vitsy lasa izay, niteny tamin'ireo ankizy kely tato amin'ny tabernakla aho, ary nanana toriteny kely iray ho azy ireo; ka niteny, na nanome kisarisary kely iray ny amin'ny hoe ahoana i Jokebeda, ahoana no nivavahany, izy sy Amrama, ilay rain'i Mosesy, mikasika ny fanaovana zavatra iray amin'ny fanafahana ny olona. Ary nahita an'ilay fahitana an'Andriamanitra nitsangana i Amrama, na Anjely iray, nanondro nankany avaratra, ka niteny taminy an'izay hiseho. Dia teraka i Mosesy kely. Ary tsy natahotra an'ireo didin'ilay mpanjaka izy ireo, na ireo fandrahonana. Fantatr'izy ireo fa Andriamanitra dia nanana ny Tànanay teo amin'i Mosesy, dia nilamina hatreо izany. Marina izany. Tsy mampaninona izay nolazain'ilay mpanjaka, izay nolazain'ilay tontolo ara-politika, izay nolazain'ny zavatra hafa, fantatr'izy ireo fa Andriamanitra dia nanana ny Tànanay teo amin'i Mosesy. Noho izany izy ireo dia tsy natahotra ny handefa azy, teo afovoan'ireo voay mihitsy; nefá izy rehetra dia natavy avy tamin'ireo zanaka Hebreo, izay namahanan'izy ireo an'ireo voay tany ireo. Kanefa i Mosesy dia napetraka mihitsy tao anatin'ny sambofiara kely iray ary nalefa mihitsy teo anivon'ireo voay, teo anivon'izy ireo mihitsy. Satria, tsy natahotra na inona na inona izy ireo, fantatr'izy ireo fa Andriamanitra dia nanana ny Tànanay teo amin'i Mosesy.

<sup>64</sup> Eny, ankehitriny, raha afaka mahafantatra fotsiny an'io zavatra iray io ihany mantsy isika, hoe ny Mpitarika antsika lehibe, ny Fanahy Masina, dia Andriamanitra no naniraka Azy. Ary Izy no Mpitarika antsika. Ary tsy mampaninona izay lazain'izao tontolo izao, sy hoe impiry no ihomehezan'izy ireo anareo sy anesoin'izy ireo anareo, manaraka ny Mpitarika

antsika isika! Naniraka ny Fanahy Masina Andriamanitra mba ho Mpitarika antsika. Hitanareo? "Vetivety foana dia tsy hahita Ahy intsony izao tontolo izao. Kanefa ianareo no hahita Ahy, satria homba anareo Aho, ho ao anatinareo mihitsy aza, hatramin'ny faran'izao tontolo izao." Noho izany, dia momba antsika ny Mpitarika antsika lehibe, ny Fanahy Masina. Ankehitriny dia tsy maintsy manaraka an'io Mpitarika io isika ary manao fotsiny an'izay Lazainy fa hatao. Ary tsy hanala antsika amin'ny lèlana mihitsy io Mpitarika io, hihazona antsika mihitsy ao amin'ny lèlan'ny Soratra foana Izy. Fa Izy tsy handeha mihitsy amin'ny lafiny *anankiray* ho an'ny zavatra iray, ary *ity* ilany ity ho an'ny zavatra iray. Hijanona mahitsy tsara eo amin'ny lèlan'ny Soratra Izy.

<sup>65</sup> Ary Mosesy dia nanana lèlana iray izay tsy maintsy nitondrany an'ny Isiraely, ka niampita avy hatrany an'ilay Ranomasina Mena arak'izany, niampita avy hatrany an'i Jordana, nankao amin'ilay tany nampanantenaina mihitsy, nanerana ny an-efitra avy hatrany. Tsy Mosesy no nivoaka ny laharana. Tsy Andriamanitra no nivoaka ny laharana. Ny vahoaka no nivoaka ny laharana, izay niteraka an'ilay olana. Noho izany, dia ndao isika hieritreritra an'ireo zavatra ireo ankehitriny. (Mamelà ahy.)

<sup>66</sup> Mosesy, amin'ny maha-mpitarika voahosotra iray. Farany, rehefa nasehony tamin'ny olona, tamin'ny alàlan'ireo famantarana sy fahagagana, fa Andriamanitra irery ihany no afaka nanao, dia notanterahany teo anatrehan'ireo loholon'ny Isiraely ireo famantarana sy fahagagana ireo, ary teo anatrehan'ny Isiraely, hany ka afa-po izy ireo fa ity Mosesy ity no anankiray voahosotra izay tsy maintsy hamoaka azy ireo avy ao amin'io firenena io, hankany amin'io tany tsara izay nampanantenaina azy ireo. Avy eo rehefa nahita an'ireo zavatra lehibe izay nataon'i Mosesy tamin'ny anaran'Andriamanitra ireo izy ireo, dia nanaiky ny hanaraka azy. Ary nentiny nivoaka izy ireo, nitarika azy ireo nanerana ny Ranomasina Mena, niampita, izay lasa tany maina, ary tao amin'ny dia tany an-efitra, izay midika hoe fotoan'ny fitsapana.

<sup>67</sup> Rehefa mandray an'i Kristy ho Mpamonjiny ny olona iray, dia mahafinaritra ny zavatra rehetra. Fa, alohan'ny ahafahan'io olona io hiditra ao amin'ny batisan'ny Fanahy Masina; io olona io, tsy maintsy manana dingan'ny fanamasinana iray izy aloha. Tsy maintsy manana fotoan'ny fitsapana iray izy eo amin'ny fiainany. Efa nanana an'izany ianareo rehetra. Nanana an'io fotoan'ny fitsapana io izy. "Ny zanaka rehetra izay manatona an'Andriamanitra, dia karavasiana aloha, diovina, faizina. Ary raha tsy afaka mahatanty famaizana isika, amin'izay fotoana izay dia izany no maneho fa tsy zanak'Andriamanitra isika; zazasary isika, fa tsy zanak'Andriamanitra," hoy ny Baiboly. Fa raha afaka mahatanty famaizana isika, mahafantatra fa

"ny zavatra rehetra dia miara-miasa hahasoa an'ireo izay tia an'Andriamanitra," amin'izay fotoana izay dia zanakalahy sy zanakavavin'Andriamanitra isika, avy eo dia manisy tombokase antsika amin'ny Fanahy Masina Izy hatramin'ny andro fanavotana antsika. Hitanareeo, izany ilay famaizana, ilay fisintonana mafy, ilay zavatra izay andalovantsika.

Ary Isiraely, amin'ny maha-tandindona ara-tantara iray, dia tsy maintsy nandray an'io famaizana io.

<sup>68</sup> Ankehitriny, rehefa tany Egypta izy ireo, dia naniraka an'i Mosesy Andriamanitra. Ary nahinjiny ilay tehiny, ka tonga nanerana ny tany ireo parasy sy hao. Naninjitra nankany amin'ny masoandro izy, dia nilentika izany. Nahinjiny nankany amin'ny rano izany, dia nivadika ho rà izy ireo. Nahoana, Isiraely dia tao Kanana...tao—tao Gosena, nanana fotoana lehibe iray fotsiny; tsy nilentika mihitsy ny masoandro, tsy namely azy ireo mihitsy ireo loza; nahoana, nanana fotoana lehibe iray fotsiny izy ireo!

<sup>69</sup> Tahaka ny nataonareo fotsiny fony ianareo voavonjy voalohany. Ny zavatra rehetra, nihira hafa ireo vorona, ary malemy fanahy ny olona rehetra. Ary, oh, oadray, ahoana fa nahafinaritra fotsiny ny zavatra rehetra fony ianareo voavonjy voalohany! Avy eo dia tonga ny fotoan'ny fizahan-toetra, ny famaizana, ny fotoan'ny fanamasinana, manamasina ny tenanareo hiala amin'ireo zavatr'izao tontolo izao, "manaisotra ny mitambesatra izay mora mahazo anareo." Ianareo, lehilahy, dia tsy maintsy nanajanona ny fifohanareo, nanajanona ny fisotroanareo, nanajanona ny fandehananareo nankany amin'ilay efitra filalaovana billard, ny fetin-karatrareo mandritry ny alina manontolo. Ireo zavatra rehetra ireo, tsy maintsy nanamasina ny tenanareo hiala amin'izy ireo ianareo, tamin'ny alàlan'ny finoana ny Ràn'i Jesosy Kristy. Manamasina ny tenanareo! Ianareo vehivavy dia tsy maintsy namela ny volonareo haniry, nanalava ny akanjonareo, ary nihetsika hafa noho izay efa naaha-izy anareo. Fotoan'ny fanamasinana! Matetika dia nihodina izy ireo ka niverina; eny, tsy zanak'Andriamanitra iray izany, hitanareo. Ny zanak'Andriamanitra iray dia mijery mahitsy mankany Kalvary, ary mahafantatra fa soa ho azy izany.

<sup>70</sup> Koa noho izany tamin'io dingam-potoana io, teo no tonga ilay fihemorana lehibe, tao Isiraely. Rehefa tonga io fotoan'ny fahabetsahan'olona lehibe io, tamin'izay fotoana izay dia nanomboka nihemotra ny olona, avy amin'ny ilany iray nankany amin'ilay hafa. Tamin'izay fotoana izay tao amin'ny takoritsik'izy ireo hoe, "Eny, maniry ny hiverina any Egypta izahay. Leo an'ity mofo maivana ity ny fanahinay." Amin'ny teny hafa, raha handray azy ara-tantara isika ankehitriny, dia izay no nolazain'izy ireo.

<sup>71</sup> Ankehitriny ao amin'ilay andro moderina, izany dia ho, "Oh, isaky ny Alarobia hariva, fivoriam-bavaka! Isaky ny Alahady maraina, miverina any am-pianganona! Inona no rentsika? Ilay zavatra iray ihany; mitsangana ny mpitoky teny dia mitoky teny; mihira; dia miverina." Hitanareo, amin'izay fotoana izay dia mandeha tahaka ny laharan'andraikitra fotsiny ianareo. Tsy mpivavaka iray ianareo. Ny mpivavaka iray dia mandeha any mba hivavaka, haneho ny tenany eo anatrehan'ny Andriamaniny, mba hidera an'Andriamanitra nohon'ny Fahatsarany; eo amin'ny Teny rehetra, dia mifikitra amin'Izany izy.

<sup>72</sup> Tahaka ny resa-pitiavana fotsiny. Raha nandeha niaraka tamin'ny zazavavy iray ianareo satria fantatrareo fa andraikitra iray izany, na mandeha miaraka amin'ny zazalahy iray ianareo, fony ianareo tanora. "Tian'i mama handeha hiaraka amin'io zalahy io aho, saingy tsy afaka mahatanty azy fotsiny aho." Tsy mahazo na inona na inona avy aminy ianareo rehefa tonga hijery anareo izy. Na, raha tahaka an'izany ilay izy mikasika an'ilay zazavavy amin'ilay zazalahy, na ilay zazalahy amin'ilay zazavavy. Mandeha miaraka aminy ianareo, manorisory anareo izy; tian'i mama ianareo handeha hiaraka aminy satria izy no karazana zazavavy izay tian'i mama. Hitanareo, manorisory anareo izany; tsy misy resa-pitiavana. Fa tsy ahoanareo, tsy te-hisasa ianareo, tsy te-handeha hijery azy ianareo. Ary izany dia... Nahoana, zavatra iray mahatsiravina izany. Ary rehefa tonga hijery anareo izy, oadray, maniry fotsiny ianareo ny handehanany haingana, handehanany mody.

<sup>73</sup> Tahaka an'izany ilay izy rehefa hoy ianareo hoe, "Nahoana izy no mitoky teny tena ela be? Ahoana no *ity* karazan-javatra rehetra *ity*, sy ny sisa?" Hitanareo, tsy latsa-pitia ianareo.

<sup>74</sup> Fa rehefa mifikitra marina tokoa amin'ny Teny tsirairay ianareo, tahaka ny nanomezan'ny Fanahy anareo fampitandremana izao maraina izao, hitanareo, "Mifikitra eo amin'ny Teny tsirairay." Mety ho izany no Noresahamy taminareo. Mifikitra! Izany no Fiainana Mandrakizay, ny Tenin'Andriamanitra tsirairay. Fifaliana iray ny mandeha any am-pianganona, eo ambanin'ny zava-misy rehetra. Na mafana ny andro, mangatsiaka, mitovy, na mifamaly ny olona, mimenomenona, na inona na inona ataon'izy ireo, dia mbola fifaliana iray foana ny mandre ny Tenin'ny Tompo. Amin'izay fotoana izay dia latsa-pitia amin'i Kristy ianareo arak'izany, hitanareo, tianareo ny mandeha any am-pianganona.

<sup>75</sup> "Eny, malala, indro fa Alahady maraina indray androany, ataoko fa tokony hanasa an'ireo ankizy isika ka handeha any. Oadray, manorisory ilay izy!" Hitanareo, tsy latsa-pitia ianareo.

<sup>76</sup> Fa raha tena latsa-pitia marina tokoa ianareo, dia tsy afaka mahandry ny hahatongavan'ny Alahady maraina mihitsy, tsy maintsy mandeha any miaraka amin'izy ireo fotsiny ianareo.

Ary isika dia, ary mamela... Ny vahoakan'Andriamanitra, tsy manorisory anareo izy ireo. Nahoana, izy ireo dia—rahalahy sy anabavy izy ireo. Araka ny nolazaiko fahiny hoe, "Lasa matevina tahaka ny riatra Sorgho amin'ny maraina mangatsiaka iray ianareo." Izany—tsy mitsonika izany, mijanona miaraka fotsiny izany, fantatrareo, mifikitra mafy izany. Ankehitriny, filazana henjana iray izany, saingy izany dia—izany—izany dia miezaka mba hamela anareo hahafantatra izay tiako lazaina, hitanareo. Miraiketa miaraka. Ary arakaraky ny angatsiahany kokoa, no iraiketan'izy ireo mafy kokoa. Ary tahaka an'izany no tokony haha-izy azy amintsika. Arakaraky ny angatsiahany... .

Rehefa mandoa anareo ireo sakaida eto an-tany,  
Mifikira akaiky kokoa Aminy foana.

<sup>77</sup> Ary izay tiantsika, ifankatiavana, dia tsy satria hoe olona iray isika; fa izany no Kristy ao amin'ny tsirairay avy, izay tiantsika, hitanareo. Izany no Andriamanitra izay ao anatin'ny tenantsika, izay tiantsika. Ankehitriny dia tiantsika ny tonga miaraka. Isika fahiny dia nihira an'ilay hira fiderana tranainy hoe:

Isaorana anie ilay tady izay mamatotra  
Ny fontsika ao amin'ny fitiavana Kristiana;  
Ny fiombonan'ny fisainam-pihavanana  
Dia tahaka an'ilay any Ambony.

Hitanareo, ilay fiombonan'ny fisainam-pihavanana dia tahaka an'ilay any Ambony.

Eo anoloan'ny sezafianaran'ny Raintsika,  
No androtsahantsika ny fivavahantsika  
miredareda;  
Ny tahotsika, ny fanantenantsika, ny fikasantsika  
dia iray,  
Ny fiononantsika sy ny fiahantsika.

<sup>78</sup> Hitanareo? Eny, tompoko! Rehefa nahazo fitahiana ny anankiray, dia isika rehetra no faly amin'izany. Rehefa malahelo ny anankiray, dia malahelo miaraka aminy isika. Isika, tiantsika ny rehetra hiaraka. Ankehitriny dia tahaka an'izany no tokony haha-izy antsika.

<sup>79</sup> Ary tahaka an'izany no tokony haha-izy ny Isiraely. Saingy lasa nanorisory ilay izy hoe, "Oh, ity mofo maivana tranainy ity, mofon'Anjely! Eny, inona no iraharahanay an'ity mofo maivana tranainy ity? Leo an'io karazan-javatra io ny fanahinay! Ary ratsy ny zavatra rehetra. Ary—ary io mana tranainy izay milatsaka isak'alina io, nahoana, aleonay manana tongologasy sy poarao any Egypta." Hitanareo, tsy vonona ho an'ilay dia ny fon'izy ireo.

<sup>80</sup> Ary rehefa ny lehilahy na vehivavy iray no manomboka mitaraina mikasika ny fandehanana any am-piangonana, dia lasa tena reraka amin'ny fandehanana any am-piangonana izy

ireo, tsy vonona ho an'ilay dia izy ireo. Marina izany. Misy zavatra tsy mety any ho any.

<sup>81</sup> Oh, rehefa tia an'Andriamanitra ianareo, ka mihevitra fa handeha ho any An-danitra, dia mandeha miaraka ianareo rehetra!

Fiombonana iray toy ny inona, fifaliana masina  
iray toy ny inona,  
Miankina eo amin'ny Sandry mandrakizay;  
Oh, fiadanana voatahy toy ny inona miaraka  
amin'ny Tompo tena akaiky,  
Miankina eo amin'Ny Sandriny mandrakizay.

Inona ny . . . Mihira an'ireo hira fiderana ireo isika.

Mizara an'ireo fahorantsika iombonana isika,  
Mitondra an'ireo enta-mavesatsika iombonana;  
Ary matetika mikoriana ho an'ny hafa  
Ny ranomasom-pangorahana iray.

Rehefa misaraka isika,  
Dia manome antsika fanaintainana anaty izany;  
Saingy mbola hifandray am-po foana isika,  
Ary manantena fa hihaona indray amin'ilay  
fotoan'ny favoriam-bavaka manaraka. (Eny,  
tompoko, mbola hifandray am-po foana!)

<sup>82</sup> Ankehitriny dia miomana ho an'ilay dia ianareo, hitanareo, vonona ny handeha hankany amin'ilay Tany nampanantenaina ianareo. Ireo fotoan'ny fitsapana, io ilay tany mampidi-doza; ilay an-efitra, ireo fotoan'ny fitsapana.

<sup>83</sup> Isiraelly, tao amin'ny fotoan'ny fitsapany, tsy maintsy nifanakiana sy nifamaly izy, ary leo an'ilay mofo. Ary te-handeha hiverina any Egypta izy ireo.

<sup>84</sup> Ary tamin'izay fotoana izay dia nanomboka nitaraina mikasika ny mpitarika azy izy ireo. Oh, natahotra izy ireo fa hoe nitarika azy ireo ho very izy; rehefa avy naneho ny tenany ho mpitarika iray izy, ka Andriamanitra no nanaporofa fa izy no ilay mpitarika. "Eny, angamba nihetsika ho fanaticika kely isika. Ary—ary angamba tafavoaka isika, ny rehetra eo amin'ilay tongotra diso," na, zavatra tahaka an'izany, hitanareo, nitakoritsika nanohitra an'Andriamanitra sy nanohitra an'i Mosesy izy ireo, Andriamanitra sy ny Mpitarikany.

<sup>85</sup> Ankehitriny rehefa tonga eo amin'ny toerana iray isika, manao hoe, "Tsy fantatro ilay Teny na midika an'Ity, na tsia," ary, "tsy fantattro ny mikasika ny Fanahy Masina; misalasala kely ny amin'Izany aho. Fantattro fa tsy mahafantatra ireo hafa." Eny, manohiza mankany Egypta. Hitanareo?

<sup>86</sup> Fa raha tapa-kevitra marina tokoa ny hijanona eo amin'ilay lâlana ianareo, dia mijanôna tsara miaraka amin'io Mpitarika io, ny Fanahy Masina, mijanôna tsara amin'ny Teny. Ary

raha mijanona miaraka amin'ny Fanahy ianareo, dia Izany no hihazona anareo ao amin'ny Teny. Marina izany. Izany no hitondra anareo mihitsy eo amin'ilay laharana, ilay lâlan'ny Teny. Ary aza matahotra an'Izany. Tsy handratra na inona na inona Izany, hanampy anareo fotsiny Izany raha maratra ianareo. Izany no hanasitrana ny ratra rehetra, ny Fanahy Masina no hanasitrana.

<sup>87</sup> Ankehitriny dia hitantsika fa, nanerana an'io lâlana io, rehefa lasa tahaka an'io izy ireo, dia tonga teo amin'ny toerana iray hoe Horeba. Ary H-o-r-e-b-a, Horeba, noho izany dia hitantsika... Ndao hazavaintsika io anarana io. Teo ilay—ilay anarana hoe *Horeba* dia midika hoe “toerana maina” iray na “tany efitra” iray.

<sup>88</sup> Ary rehefa miala amin'ny fiombonana amin'ny hafa isika ao amin'ny fiangonana, ary miala amin'ny fiombonana amin'ny Fanahy Masina, dia izany no mitondra antsika eo amin'ny toerana maina iray, tany efitra iray, tsy misy na inona na inona velona, ny zavatra rehetra dia manana fanindronana eo aminy. Hitanareo, ta—tany efitra iray, raketa kely iray miaraka amin'io fanindronana io eo aminy. Efa fantatrareo ve hoe inona izany? Izany dia ravina sarobidy kely malefaka iray izay tsy nahazo rano, mangorona ny tenany tena mafy fotsiny izy hany ka lasa fanindronana iray. Ary rehefa mahita olona tahaka an'izany ianareo, angamba fanahy sarobidy iray izay afaka ny ho voatondraka tsara izy, tokony ho ravina kely malefaka iray na tahaka an'izany. Fa raha tokony ho izany, dia nangorona ny tenany izy hany ka lasa fanindronana iray, manisy totohondry fotsiny ny zavatra rehetra, fantatrareo, mahita fahadisoana. Ny zavatra tokana ilainy dia rano fotsiny. Izay ihany. Izy fotsiny izy fotsiny dia mila fi—fifoahazana iray, na fandravâna iray, fampangatsiahana iray avy amin'ny Tompo. Izy no—hamaha ny tenany kely izy, raha hametraka azy fotsiny eo amin'ny rano ianareo.

<sup>89</sup> Fa, ireo izay miaina ao amin'io toerana io dia tsy maintsy miaritra an'ireo toetran'izany toerana izany. Ary ireo izay maniry ny hiaina ao anatin'io karazana toerana iray io, izay misy ny zavatra rehetra mameley totohondry sy mifamaly fotsiny, sy mifanakiana ary mikorontana tahaka an'izany, eny, dia hiaina fotsiny eo ambanin'izany toerana izany ianareo, izay ihany. Fa tsy voatery hiaina eo isika, tsy ilaina ny hijanonantsika eo.

<sup>90</sup> Ankehitriny, ity Horeba ity no toerana izay nahakivy an'Andriamanitra tamin'ny olona, satria nirenireny tao amin'io toerana io izy ireo ka tafiditra tao amin'io toerana io. Ary Nentiny hatreо amin'izany mihitsy izy ireo, satria tsy tian'izy ireo ny nandeha tao amin'ilay lâlana. Izy ireo dia niala tamin'ilay—ilay lâlana lehibe, niala nankao amin'io lâlana ilany io. Ary tamin'izay fotoana izay dia izany no nahatonga an'Andriamanitra nanao zavatra iray izay nampahatahotra.

Izy... Nahatonga an'Andriamanitra hanao an'i Mosesy haka an'ilay tehim-pitsarana izay nitsarany an'ilay firenena, ka nikapoka an'ilay Vatolampy, mba hamoaka rano.

<sup>91</sup> Ankehitriny, misy lesona tsara tarehy iray eo raha afaka mahazo an'ilay izy fotsiny isika, hitanareo. Ary satria lasa tena nivily lèlana loatra isika, ary voafatot'r'izao tontolo izao, sy ny sisa, dia izany no nahatonga an'Andriamanitra nitondra an'ireo fitsarana an'izao tontolo izao ka nikapoka Ny Zanany Manokana tamin'izany, teo Kalvary, mba hahatonga antsika handeha afaka. Hitanareo ve izay tiako lazaina?

<sup>92</sup> Ankehitriny, mba hitondrana an'ireo vahoaka ireo eo amin'ny rano anankiray, rehefa avy tonga teo izy ireo, dia lasa Kalvary iray io toerana maina io. Ary teo no nitenen'an'Andriamanitra tamin'i Mosesy, hoy Izy hoe, "Ento ny tehina sy ireo loholona, ary manatôna, fa hitsangana eo amin'ilay Vatolampy eo anoloanao Aho." Ary io Vatolampy io dia Kristy. Ary Mosesy, niaraka tamin'ny tehina izay nitondra fitsarana teo amin'ny firenen'i Isiraely, dia nitondra an'io tehina iray io ihany ka nikapoka an'ireo fitsaran'Andriamanitra teo ambonin'ilay Vatolampy. Hitanareo? Izy no nitondra ny fahotan'ny olona teo amin'io tehina io. Fa, tokony ho nikapoka ny olona izy. Raha tokony hikapoka ny olona, dia nikapoka ny Vatolampy izy. Ary ny Vatolampy, tamin'ny alàlan'ny asan'Andriamanitra iray, dia nitondra famonjena, nitondra rano ho an'ny vahoaka iray teo am-pahalevonana. Nitondra aina ho an'ny vahoaka iray teo am-pahafatesana Izany. Ary izany no nataon'Andriamanitra tamin'ny fandraisana Ny—Ny tsora-kazon'ny tehim-pitsarana iray, ka nampihorona ny fahotako sy ny fahotanareo nanodidina an'io tehina io; nefo tokony ho namely antsika izany, saingy namely an'i Kristy; mba ho avy Aminy no ivoahan'ireo *rano*, izay midika hoe "Fanahy," avy Aminy no nivoahan'ny Fanahy Masina, mba hanome Fiainana ho antsika. Ankehitriny isika dia nanana Fiainana Mandrakizay. Ankehitriny, io Vatolampy io dia Kristy. Ankehitriny dia tiantsika ny hahamarika.

<sup>93</sup> Efa nahita sary ara-tsaina marobe an'io Vatolampy io aho. Efa nahita iray tamin'ireo tena mpitsikera indrindra aho, vao tsy ela akory izay, hatrany amin'izay nisy va—vatolampy kely iray nipetraka teo an-tampon'ny havoana. Ary—ary natao hikapoka an'io vatolampy io i Mosesy, ka Isiraely dia teo ambany teo niaraka tamin'ny kaopin-dite iray, naka fisotro ho azy ireo avy tamin'ny teten-drano kely nilatsaka avy tao amin'io vatolampy io. Ankehitriny dia hevit'olona iray fotsiny izany.

<sup>94</sup> Fa rehefa namoaka ny Ranony io Vatolampy io, dia nisy olona roa tapitrisa teo, ankoatr'ireo omby, rameva, sy ny zavatra hafa izay nisotro tao amin'ireo barikan-drano avy tamin'Izany. Renirano mifantsitsitra iray no nivoaka avy teo!

<sup>95</sup> Tahaka an'izany no ezahan'izy ireo anaovana an'i Kristy, ny Fanahy Masina amin'izao andro izao. "Teten-drano kely iray

fotsiny ilay izy.” Hitanareo, ampy mba hanao anareo hino fotsiny fa misy Andriamanitra iray Tsia.

<sup>96</sup> Izany dia Rano betsaka! Hoy Davida hoe, “Ny kapoakako dia feno mihoatra!” Fantsitsitra iray an’ny Fanahy Masina fotsiny izany.

<sup>97</sup> Matahotra an’Izany ny olona. Hoy ny olona sasany hoe, “Eny, matahotra kely fotsiny aho ny hanao an’ity na itsy, na raha sendra mandeha kely lalina loatra aho. Afaka maneho aminareo olona iray izay nandeha kely lavitra loatra aho.” Nefa tsy manondro mihitsy an’ilay anankiray izay tsy nandeha tena lavitra ianareo. Hitanareo? Eny, ahoana ny amin’ireo izay tsy nandeha tena lavitra?

<sup>98</sup> Ankehitriny, efa nahita olona sasany izay niditra tao amin’ny nofo isika, ka nitsangana tamin’ny tongotra diso. Ary—ary tsy hoe Andriamanitra, fa ny olona no... Nohon’ny tsy fitarihana tsara, sy ny sisa, no nanao azy ireo hitsangana tamin’ny tongotra diso, ka niditra tao amin’ny fanatisma izy ireo. Ary amin’izay fotoana izay ilay izao tontolo rehetra izao, manondro azy ireo ny devoly hoe, “Jereo io! Jereo io!”

<sup>99</sup> Eny, avelao aho hitsangana izao maraina izao ka hanondro an’ireo an’aliny amboniny izay tsy nanao fanombohana iray akory aza. Ahoana ny amin’izy ireo? Hitanareo, jereo ny toeran’izy ireo. Jereo ny zalahy iray tahaka an’i Eichmann amin’izao andro izao, miaraka amin’ilay ambony indrindra... Hoy izy ireo hoe, “Tsy araka ny etika sy dondrona ireo pentekotista, ary tsy nampianarina izy ireo,” sy ny sisa tahaka an’izany. Jereo i Eichmann, iray amin’ireo lehilahy nampianarina ambony indrindra eto amin’izao tontolo izao. Ary izy dia namono ho faty, ankizy sy vehivavy ary lehilahy enina tapitrisa, fanahy enina tapitrisa. Tsy te-hanondro olona iray tahaka an’izany ianareo.

<sup>100</sup> Saingy raha misy olona kely iray izay tsy afaka mamaky, zara, nanonona anarana iray avy ao amin’ny Baiboly diso angamba, ary, na angamba nilaza zavatra na nanao zavatra diso, na nanao fahadisoana iray, dia te-hanoratra an’izany hatraiza hatraiza ireo gazety, ka manao hoe, “Tsy azo itokisana izy ireo.”

<sup>101</sup> Noho izany raha tsy azo itokisana izany, dia nahoana no tsy ny fianarana, ireo zavatra sy ara-tsaina izay ananan’izy ireo amin’izao andro izao? Jereo i Adolf Hitler. Jereo ireo ati-doha an’izao tontolo izao amin’izao andro izao. Jereo izy ireo. Hoy ny antitra hoe, “Ny tsara amin’ny anankiray dia tsara amin’ilay hafa koa.”

<sup>102</sup> Ny zavatra tokony hataonareo dia ny hahay, amin’ny alàlan’ny Fanahy Masina, hanavaka an’izay marina sy diso, ary mandray an’izay marina sy diso.

<sup>103</sup> Ankehitriny, dia hitantsika fa io Kalvary izay nananan’izy ireo io, sy ireo ranon’aina nifantsitsitra ho an’ny olona ireo.

<sup>104</sup> Ankehitriny, ny olona sasany dia manana ao amin'ny fony sy ny sainy, fa nisotro ny Isiraelly rehetra, ary avy eo dia namehy entana an'ireo rameva izy ireo ka namatotra an'ireo tadiny teo amin'ireo soavaliny, sy ny sisa, ary nitondra an'ireo ankiziny ka nanao dia tany an-kafa tany ho any, ary namela an'ilay Vatolampy teo, nitete. Diso izany.

<sup>105</sup> Nanaraka azy ireo io Vatolampy io, ary nanaraka azy ireo io rano io. Ankehitriny ao amin'ny Korintiana Voalohany, ny toko faha-10, mino aho, ary ny andininy faha-11, no ahafahanareo mahita an'izany, hoe "Nanaraka ny Isiraelly io Vatolampy io." Na taiza na taiza nalehan'izy ireo nanomboka tamin'io andro io, dia nandeha niaraka tamin'izy ireo ilay Vatolampy, ary nanaraka azy ireo ny rano.

<sup>106</sup> Tandindona iray tsara tarehy toy ny inona, ary fi-fihazonana tsara tarehy sy vatoantsika iray ho an'ny mpino androany, izay mahafantatra fa io Vatolampy izay nokapohina indray mandeha io, io Rano izay nararaka indray mandeha avy teo Kalvary io, dia mandeha miaraka amintsika na aiza na aiza misy antsika. Oh, oadray! Ilay izy dia tsy hoe miverina any amin'ny toerana anankiray, ka manao hoe, "Eny, efa nahazo Rano isika afak'omaly, teto." Manana Rano isika androany, eto mihitsy, satria io Vatolampy io dia Kristy! Ary Kristy no tsy miova omaly, anio, ary mandrakizay.

<sup>107</sup> Hitanareo, nanaraka ny Isiraelly io Vatolampy io. Tsy izy ireo mihitsy no nanaraka an'ilay Vatolampy, fa ilay Vatolampy no nanaraka azy ireo. Amena. Nandeha teo amin'ny diany ny Isiraelly. Tsy nanana afa-tsyzavatra anankiray natao izy ireo, izany dia, mihazona amin'ilay lèlana mahitsy, manohy mahitsy mankao amin'ilay tany nampanantenaina mihitsy. Ary nanaraka azy ireo ilay Vatolampy sy ilay rano.

...ilay Vatolampy nanaraka azy ireo:...

Korintiana Voalohany no miteny aminareo an'izany, ny toko faha-10. Eny àry.

...izany Vatolampy izany dia Kristy.

<sup>108</sup> Nalain'Andriamanitra ny fitsarana an'ireo olona ka napetrany teo amin'i Kristy izy ireo, ary nikapoka Azy. Efa voamarikareo ve, fa nisy tataka iray tao anatin'ilay Vatolampy, nanomboka tamin'io? Nanana tataka iray ilay Vatolampy tao anatin'y, teo amin'izay nikapohan'i Mosesy. Ary Kristy dia nanana tataka iray, rehefa nokapohina Izzy, "Izy dia voalefona nohon'ny helotsika, ary tamin'ireo Dian-kapony no nahasitranana antsika." Avy tamin'io Aina io no nivoaka ireo Ranon'Aina izay tena ankasitrahantsika androany!

<sup>109</sup> Ankehitriny, mba hahazoana an'io Aina io, dia tsarovy, mijanona miaraka amin'ilay Fiangonana ny Ain'i Kristy. Haleloia! Oh, raha afaka hampififikitra an'ireo fisainantsika eo isika mandritr'ireo folo minitra manaraka! Tsy mandaو

an'ilay Fiagonana Kristy. "Homba anareo isan'andro Aho, hatramin'ny faran'izao tontolo izao mihitsy aza." Ny olona no mandoa an'i Kristy, fa tsy Kristy no mandoa ny olona. Ny olona no mandoa an'Izany, nohon'ny tsi-finoan'izy ireo. Izy ireo no mandoa an'i Kristy, fa tsy Kristy no mandoa ny olona.

<sup>110</sup> Isiraely no nandoa an'ilay renirano, fa tsy ilay renirano no nandoa ny Isiraely. Hitanareo? Satria, milaza mazava ny Baiboly hoe, "Nanaraka ny Isiraely ilay Vatolampy sy ilay rano." Nanaraka azy ireo! Na taiza na taiza nalehan'izy ireo, Izany dia nandeha, ihany koa.

<sup>111</sup> Oh, ho tiako, izao maraina izao, raha nanana fotoana isika, ny hamadika ao amin'ny toko faha-1-n'ny Joso, izay Nilazany hoe, "Na aiza na aiza tany izay hitsahan'ny tongotrareo, dia Homeko anareo. Na aiza na aiza alehanao, dia momba anao ny Tompo Andriamanitrap. Aza matahotra olona. Aoka hahery! Na aiza na aiza ametrahanao dian-tongotra iray, dia eo mihitsy Aho miaraka aminao, tsy mampaninona na aiza no misy an'izany." Andriamanitra nandeha niaraka tamin'i Joso!

<sup>112</sup> Ilay Andriamanitra iray ihany no mandeha miaraka amin'Ny Fiagonany izao maraina izao. Ndao isika hisotro avy amin'io Loharano any io. Na aiza na aiza no ametrahaneo dian-tongotra iray, dia eo mihitsy no hisy an'Andriamanitra miaraka aminareo, mba hampisotro sy hanome Fiainana ho anareo. "Homba anao isan'andro Aho, hatramin'ny faran'ilay taona mihitsy aza." Kristy ilay tsy miova omaly, anio, ary mandrakizay. Ireo lalàñ'Andriamanitra.

<sup>113</sup> Ankehitriny dia hoy ianareo hoe, "Noho izany, Rahalahy Branham, nahoana àry isika no tsy manao an'ireo zavatra izay tokony hataontsika? Nahoana ireo fanomezam-pahasooavantsika sy ny sisa ao amin'ny fiagonana no tsy tonga araka ny lokony, eo amin'izay tokony hisy azy? Nahoana ny fiagonantsika no tsy misandratra eo amin'ny toerana izay tokony hisy azy?" Ny olona, ao amin'ny fotoan'ny fitsapana, dia miala lavitra tahaka ny nataon'ny Isiraely. Mihevitra izy ireo fa Andriamanitra no nandoa azy ireo.

<sup>114</sup> Fa, tsarovy, tsy nandoa an'ny Isiraely mihitsy ilay Vatolampy. Isiraely no nandoa an'ilay Vatolampy, adinony ny mikasika an'ilay Vatolampy izay nanaraka azy ireo foana. Teo mihitsy Izany, nandeha niaraka tamin'izy ireo hatrany amin'ny faran'ilay lâlana. "Nanaraka azy ireo Izany." Izany dia tsy hoe tsy takatry ny feo. Izany dia tsy hoe tsy takatry ny fandrenesana. Na, tsy hoe tsy takatry ny fahitana izany.

<sup>115</sup> Ary izany koa Kristy! Miaraka amin'ilay Fiagonana androany, tsy hoe tsy takatry ny feo Izy. Niverin-dàlana ny sasany taminareo, ary nanao an'izay ratsy, ka verinareo io fifaliana io, ary maina ny Ranonareo. Mbola ao amin'ny takatry ny feo aminareo foana Izy. Manaraka anareo Izy. Fantany ny

hetsika tsirairay izay ataoanareo sy ny zavatra rehetra izay ataoanareo. Maniry mafy ny handre anareo hiantso Azy eo amin'ny sehatra Izy.

<sup>116</sup> Ary ity hetsika pentekotista malaza amin'izao andro izao ity, dia miandry anareo hiantso Azy eo amin'ny sehatra Andriamanitra. Tsy hoe tsy takatry ny feo ianareo miaraka Aminy. Na dia nanao ratsy aza isika, sy nanota, ary nanatodika ny lamosintsika Taminy, sy—sy nanao an'ireo zavatra izay tsy tokony hataontsika, kanefa dia miaraka amintsika Izy. Kristy no nilaza fa homba antsika Izy.

<sup>117</sup> Hoy ny Baiboly hoe, “Nanaraka an'ireo zanak’Isiraely ireo rano.” Rehefa nangetaheta izy ireo, dia fantatr’izy ireo fa akaiky ilay rano.

<sup>118</sup> Ankehitriny, ireo zavatra ireo dia voafehin’ireo lalàna. Ny rafit’Andriamanitra rehetra dia napetraka araka ny lalàna. Ankehitriny isika dia haka... Ndao isika hijanona mandritry ny iray minitra.

<sup>119</sup> Ndao alaintsika ny tany. Mihodina izy, isaky ny efatra amby roapolo ora dia manao fihodinana feno iray izy, tena tanteraka, izay... Tsy ho afaka mihitsy isika, miaraka amin'ny siansantsika rehetra, ny hanamboatra famantaranandro iray mba hihazona fotoana tanteraka. Matetitetika, ireo famantaranandro tsara indrindra izay hany amboarin’izy ireo, mandritry ny taona iray, dia hahazo na hanary minitra maro. Fa ny tany dia tsy diso mihitsy fa eo amin'ilay segondra mihitsy izy. Tena tanteraka izy hany ka ireo siantifika amin'izao andro izao, ireo mpahay kintana dia afaka miteny aminareo, afaka roapolo taona manomboka izao na dimampolo taona manomboka izao, marina mihitsy ny amin'izay hifanenan’ny masoandro sy ny volana. Rehefa mihodina amin'ny fihodinany efatra amby roapolo ora izy, ary mihodina amin'ny fotoany manodidina ny toeran’ny kintana mandritry ny vanim-potoana iray, dia tsy diso fipiapiaka iray izany. Haleloia! Tanteraka mihitsy izy, satria mihodina araka ny lalan’Andriamanitra.

<sup>120</sup> Fantatr’izy ireo marina tokoa hoe rahoviana no hiala io samonta io, hatramin'ilay minitra mihitsy, satria fantatr’izy ireo hoe amin'ny firy no milentika ny volana. Ary Andriamanitra dia nametraka ny zavatra rehetra ao amin'ny lamina araka ny lalàna. Ary rehefa midina io volana io, dia lasa miaraka aminy ilay samonta. Rehefa miakatra io volana io, dia indro fa miseho miaraka aminy ny samonta. Ary fantatr’izy ireo marina tokoa, amin'ny alàlan’ny fikajiana, hoe rahoviana no hidina io volana io. Afaka mametraka an’izany eo amin'ny alimanaka fanisan’andro taona maro mialoha izy ireo, ka miteny aminareo, hatramin'ilay minitra, hoe rahoviana no hanomboka hidina io samonta io. Azo antoka, satria tahaka an’izany no ialan’ny volana, satria mipetraka ao amin'ny lamin'ny lalàn’Andriamanitra izany.

<sup>121</sup> Nitsangana aho, indray andro, teo akaikin'ny Lake Michigan. Ary nandeha nankeo amin'ny Lake Superior aho, teo amin'ny lâlako nankany Canada, ilay vatan-drano lehibe. Dia nitsangana teo aho, ka nieritreritra hoe, "Firy maily no hiampitana an'ity vatan-drano lehibe eto ity!" Ary avy eo aho rehefa avy niampita ny Mich-...na ny Lake Superior, dia niditra tao Michigan aho, saiky vatan-drano iray mitovy. Ary teo, avy eo amin'ny Lake Superior mankeo amin'ny Lake Michigan, avy eo amin'ny Lake Michigan mankeo amin'ny Lake Ontario, ary fotsiny...ary Huron, sy ireo farihy rehetra miaraka. An-davitrisany sy an-davitrisany sy an-davitrisany firy, ary barikan-drano madio tsy voaisa no mipetraka ao anatin'io farihy io!

<sup>122</sup> Nefa any Nevada any, sy any Arizona, New Mexico, California Atsinanana, dia misy an-tapitrisany ara an'ny tany maina, mirehitra. Tena lonaka izany ka, raha afaka ho tonga eo amin'izany tany izany io rano io, dia afaka hamahana an'izao tontolo izao ity firenena ity, tsy hisy vahoaka noana mihitsy, ary hanana ambiny hatsipy any anaty ranomasina. Marina izany! Ireo an-tapitrisany ara izay hampaniry ovy an-tapitrisany taonina sy laisoa, sy tsaramaso sy—sy salady, sy radis sy selery, ary voatangom-bazaha, sy inona koa. Hampaniry an'izany ny tany, izany dia—maniry mafy an'ilay rano fotsiny izany.

<sup>123</sup> Ary eto dia misy ny rano eto ambony *eto*, ary eto dia misy ny tany eto ambany *eto*. Ankehitriny dia afaka mahita an'izany isika, ary fantatsika fa izany no hanao an'ilay izy, satria afaka mitsapa an'ilay rano isika ka mahita fa madio izy, ary mitsapa an'ilay tany ka mahita fa lonaka izy. Ankehitriny, ny faniriana rehetra izay azontsika atao, dia tsy hametraka azy ireo miaraka mihitsy. Fa, misy lalàna iray, ary io lalàna io dia ny hery misintonia. Ankehitriny, raha hiasa araka ny hery misintonia isika, dia afaka manondraka ny kely tsirairay an'io tany io, maka ny rano avy ao amin'ireo farihy ary manondraka azy. Saingy tsy maintsy hiasa araka ny lalàn'ny hery misintonia isika. Tsy afaka maniry an'izany isika eo. Tsy afaka miantsoantso an'izany isika eo. Tsy afaka mihorakoraka an'izany isika eo. Tsy maintsy miasa arak'ireo lalàn'ny hery misintonia isika, mba hahazo an'izany eo. Andriamanitra dia mametraka ny zavatra rehetra ao amin'ny lalàna iray.

<sup>124</sup> Indro, nieritreritra aho, tsy fantatro na efa mba noteneniko taminareo ity, na tsia. Tany Kentucky aho, nihaza vontsira, niaraka tamin-dRahalahy Wood, teo amin'ny herintaona lasa teo izay. Ary izahay...Nahalana kely ireo vontsira, ka noho izany dia nandeha nankany an-tranon'ny olona iray izahay, mba hahita mikasika ny fihazana. Ary nanana tany ara maro ny lehilahy iray, ary nisy hazo betsaka teo amin'io tany io. Niteny tamiko Rahalahy Wood, hoe, "Tsy mahatoky ilay lehilahy. Izy dia—tsi-mpino iray izy." Noho izany dia nilaza izy fa

nahafantatra azy, noho izany izy . . . na ny rainy no nahafantatra azy, nandeha teo izy ka nanontany azy raha afaka mahazo alàlana handeha hihaza izahay.

<sup>125</sup> Nandeha nankeo amin'ny toeran'ilay lehilahy mihaja izahay. Ary izy sy lehilahy hafa iray, izy roa dia tao amin'ny fahafitopolo taonany, nipetraka teo ambanin'ny hazo paoma iray izy ireo. Ary nanatona an'io lehilahy io Atoa. Wood, ka nilaza taminy izy hoe, "Afaka mihaza kely eo amin'ny toeranao ve aho?" Dia hoy izy hoe, "Eny," hoy izy, "mety tsara." Hoy izy hoe, "Wood iza ianao? Zanakalahin'i Jim Wood ve ianao?"

Hoy izy hoe, "Izy aho."

<sup>126</sup> Hoy izy hoe, "Eny, Jim antitra dia nahitsy fo, sy ny sisa." Hoy izy hoe, "Afaka mihaza ianao na aiza na aiza tianao, eo amin'ny toerako. Manana ara an-jatony maro aho eto, makà arak'izay tianao. Mandehana mankao amin'ireo havoana kely ireo, na aiza na aiza tianao. Ataovy toy ny any an-trano ianao."

<sup>127</sup> Nipetraka tao anaty fiara aho, satria nihevitra aho fa tsy handeha hiaraka tsara ny mpitory teny sy ny tsy mahatoky, raha nandeha hila sitraka avy amin'ny tsy mahatoky iray izahay.

<sup>128</sup> Koa noho izany afaka kelikely, dia hoy Rahalahy Wood hoe, "Eny, ankehitriny, afaka mitondra ny pasiterako miaraka amiko ve aho? Ataoko fa ho mety tsara ho azy ny ho avy."

<sup>129</sup> Dia nitodika nankeo amin'ny tehiny io lehilahy antitra io, ka hoy izy hoe, "Wood, ny tianao tenenina amiko ve dia hoe nidina tena ambany ianao, hany ka tsy maintsy mitondra mpitory teny iray miaraka aminao ianao na aiza na aiza alehanao?"

<sup>130</sup> Ary noho izany, nieritreritra aho, taorian'izany, fa tsaratsara kokoa ho ahy ny hivoaka avy tao amin'ny fiara. Noho izany dia nivoaka avy tao amin'ny fiara aho, ary niresaka tamin'ilay lehilahy antitra mihaja minitra vitsy. Ary nampahafantariny ahy haingana mihitsy fa tsy nila mpitory teny loatra izy, satria nihevitra izy fa izy ireo dia miresaka mikasika zavatra izay tsy misy na inona na inona fantany.

<sup>131</sup> Hoy izy hoe, "Mibarareoka fotsiny izy ireo eo amin'ny zavatra izay tsy misy na inona na inona fantany. Eny," hoy izy, "rehefa miresaka amiko ny lehilahy iray, dia tiako izy hahafantatra an'izay resahany." Ankehitriny, hevitra tsara izany. Hevitra tsara izany. Hoy izy hoe, "Ankehitriny, raha miresaka amiko ny lehilahy iray, dia tsy tiako izy hiresaka amiko zavatra iray, iray hafa, fiheverana izay tsy misy na inona na inona fantany. Tiako izy hiteny zavatra iray hoe fantany izay resahany." Eny, nanome haja an'izany aho. Nanaja an'izany aho tao amin'ilay lehilahy antitra mihaja.

<sup>132</sup> Ary noho izany dia hoy aho hoe, "Eny, mazava ho azy, izany no hoe ny olona tsirairay samy amin'ny heviny manokana."

<sup>133</sup> Dia hoy izy hoe, “Nisy mpitory teny iray izay tonga teto amin’ity firenena ity, taona vitsy lasa izay, izay nanao fivoriana iray tany Acton.” Dia hoy izy hoe, “Io mpitory teny io, indray hariva, satria vahiny iray tao amin’ny firenena, dia nilaza tamin’ny—ny ramatoa iray izay nipetraka tao amin’ny mpanatrika hoe, ‘Manana mosara iray ianao ao anatin’ny paosinao. Ary ianao no Rtoa. *Ranona-sy-ranona*. Ary manana rahavavy iray marary ianao eny amin’ilay havoana eto. Ny anarany dia *Ranona-sy-ranona*. Eo am-pahafatesana izy, miaraka amin’ny homamiadana ao amin’ny vavony.’ Dia hoy izy, ‘Ento io mosara io ka apetraho eo amin’ny rahavavinao, ka teneno aminy hoe, “HOY NY TOMPO HOE, tsy ho faty izy, fa velona.””

<sup>134</sup> Hoy izy hoe, “Io vehivavy iray io ihany dia sakaizanay.” Dia hoy izy, “Nentinay io vehivavy io... Io mosara io tany; na io lehilahy io, nankany amin’ilay olona.” Voalohany dia hoy izy hoe, “Io vehivavy io, izaho sy ny vadiko dia nandeha tany tamin’io maraina io ary nitondra, niandry an’io vehivavy io. Ary tena narary izy! Ireo dokotera dia efa nandao azy, efa ela be. Tena narary izy hany ka tsy maintsy namindra azy tamin’ny lambam-pandriana iray izahay, nanarina azy mba hametraka azy teo ambonin’ny tavy mandry, namerina azy. Namadika azy tamin’ny lambam-pandriana, tena narary izy.” Hoy izy hoe, “Indray hariva, tany, dia nisy tabataba iray toy ny hoe nanana olona iray maty izy ireo.”

<sup>135</sup> I Ben no tany, niaraka tamin’io mosara io, nitondra an’izany tany. Mino aho fa ianao izany, sa tsy izany, Ben? [Hoy Rahalahy Ben hoe, “Amena. Amen.”—Mpand.] Rahalahy Ben no tany, naka an’io mosara io, satria izy no nitondra an’io vehivavy io tany.

<sup>136</sup> Dia hoy izy, “Ny ampitso maraina, dia nihinana mofomamy voaendy nisy paoma izy.” Ary hoy izy, “Tsy manao ny asany manokana fotsiny ihany izy, fa manao ny asan’ny mpiaramonina aminy. Tena salama izy!” Hoy izy hoe, “Ankehitriny dia mazàna aho no nanontany. Raha mba nahita an’io mpitory teny io aho, dia fantany izay noresahany,” hoy izy, “izaho—tiako ny hiresaka aminy.”

<sup>137</sup> Nijery ahy Rahalahy Wood, ary nijery azy aho. Nitsangana teo, feno loto, sy tsemboka ary naloto, efa nitoby tany anaty ala izahay, ka—ka ny ràn’ny vontsira no nanerana anay manontolo. Ary noho izany dia hoy aho hoe, “Eny,” hoy aho, “ny... Ny tianao lazaina ve dia hoe raha afaka miresaka amin’io olona io ianao dia hiteny aminao izy hoe ahoana no nanaovany an’izany?”

Hoy izy hoe, “Eny, tompoko, izany no tiako lazaina.”

Hoy aho hoe, “Eny, izany no—izany no zavatra tsara iray.”

<sup>138</sup> Nihinana anankiray tamin’ireo paomany aho. Nisy fanenitra antitra kely teo ambonin’izy ireo teo, fantatrareo, tamin’ny

lohataona an'ilay taona, tamin'ny Aogositra. Noho izany dia nanana an'io paoma kely io aho, ary nohaniko izany. Dia hoy aho hoe, "Paoma iray tena tsara ity." Hoy aho hoe, "Hafiriana no nisian'io hazo io teo?"

<sup>139</sup> "Oh," hoy izy, "izaho no namboly an'io hazo io teo, telopolo na efapolo taona lasa izay, na zavatra hafa."

<sup>140</sup> "Eny, tompoke." Hoy aho hoe, "Te-hametraka fanontaniana iray aminao fotsiny aho." Hoy aho hoe, "Ahoana marina... Hitako fa nihintsana avy teo amin'io hazo io ireo paoma ireo, ary ireo raviny dia nihintsana, ary eo afovoan'ny Aogositra fotsiny ihany ilay izy eto." Dia hoy aho hoe, "Tsy mbola nahazo fotoana mangatsiaka iray akory aza isika, tsy mbola nahazo fanala iray akory aza isika na inona, kanefa dia mihintsana avy eo amin'io hazo io ireo ravina ireo. Nahoana izany?"

Hoy izy hoe, "Niala tamin'ilay hazo ireo tsiron-kazo."

"Oh," hoy aho, "nandeha nankaiza izy?"

Hoy izy hoe, "Nidina nankao amin'ireo faka."

Dia hoy aho hoe, "Noho izany dia hafiriana no hijanonany ao?"

Hoy izy hoe, "Hatramin'ny fararano."

<sup>141</sup> Dia hoy aho hoe, "Noho izany dia hiverina hiakatra indray izy, ary hitondra ravina vaovao ho anao ho an'ny alokaloka, paoma vaovao ho hanina."

Hoy izy hoe, "Marina izany. Marina mihitsy."

<sup>142</sup> Hoy aho hoe, "Eny, te-hanontany zavatra iray aminao aho, tompoke. Miresaka mikasika an'ireo olona izay tsy mahafantatra an'izay resahany ianao." Hoy aho hoe, "Azonao azavaina amiko ve hoe Fahaizana inona no manao an'io tsiron-kazo io hiala amin'io hazo io? Raha nijanona teo izy nandritry ny ririnina, dia ho faty ilay hazo. Hamono an'ilay hazo ianao. Ilay tsirin'aina dia tao anatin'io tsiron-kazo io." Noho izany dia hoy aho hoe, "Hamono an'ilay hazo izany. Fahaizana inona no manao an'io tsiron-kazo io hiala amin'io hazo io, hidina ao amin'ireo faka, ka hijanona hatramin'ny fotoan'ny fararano, ary avy eo dia miverina miakatra indray ka mitondra paoma betsaka ambonin?" Hoy aho hoe, "Asio rano ao anatin'ny siny iray ka apetraho eo ambonin'ny andry izany, dia jereo raha, amin'ny Aogositra, hidina ao ambanin'ilay andry izany ka hiverina indray amin'ny fotoan'ny fararano. Hitanao?" Hoy aho hoe, "Misy lalàna iray, misy ny lalàn'ny natiora iray. Fahaizana iray no nametraka an'io lalàna io tao amin'ny lamina. Tsy izany ihany, fa io Fahaizana iray io ihany no tsy maintsy mampiassa an'io lalàna io, izay mampidina azy mankao amin'ny fakan'ilay hazo, ary miverina."

Hoy izy hoe, "Tsy mbola nieritreritra an'izany mihitsy aho."

<sup>143</sup> Hoy aho hoe, “Afaka ve ianao... Raha mba afaka mahita an’ilay Fahaizana izay manao an’io tsiron-kazo io hiala amin’io rantsan-kazo io ianao, midina mankao amin’ireo faka ary miverina, dia izany ilay Fahaizana iray ihany izay niteny tamiko tany tamin’io hariva io hoe, ‘Mandehana, apetraho eo amin’ilay vehivavy io mosara io.’”

Hoy izy hoe, “Fa ianao ve io mpitory teny io?”

Hoy aho hoe, “Eny, tompoko, marina izany.”

<sup>144</sup> Tany aho tamin’ny taona lasa (efa lasana izy), ary rehefa nipetraka teo amin’ny lavarangana ny vadiny mpitondratena, namaofy paoma, avy tamin’io hazo iray io ihany. Rahalahy... Voalohany dia saika handroaka anay izy ireo, tsy fantatr’izy ireo hoe iza izahay. Dia nandeha aho ka niteny taminy mikasika an’izany, hoe efa nahazo alàlana avy taminy izahay. Ary niteny mikasika an’izany, nanao hoe, “Nanao fiaikena feno iray tamin’i Kristy izy talohan’ny nahafatesany.”

<sup>145</sup> Hitanareo, inona no ataon’ilay hazo, Fahaizana inona no mampidina an’io? Lalàna iray izany. Lalàna iray izay napetrak’Andriamanitra tao amin’ny lamina izany. Ary io lalàna io dia lalàn’Andriamanitra izay hikarakara an’ilay zavatra. Amena.

<sup>146</sup> Fantatrareo, tsy ahoako na impiry ianareo no miantssoantso, ka milaza—milaza ankehitriny hoe, “Izany tsy ho, tsy hamiratra intsony ny masoandro amin’ity fahavaratra ity.” Hamiratra izy, na ahoana na ahoana. Impiry ianareo no hilaza hoe, “Izaho—izaho—tsy hamela ny andro alina ho tonga aho.” Ho tonga izy, na ahoana na ahoana. Satria ity zavatra izay iainantsika ity, antsoina hoe izao tontolo izao, dia fehezin’ny lalàn’Andriamanitra iray.

<sup>147</sup> Ankehitriny, rahalahy sy anabavy, te-hanontany zavatra iray aminareo aho. Noho izany, raha nateraka indray isika avy tamin’ny Fanahin’Andriamanitra... Andriamanitra dia tsy manana ampahany kely malemy sy ampahany goavana matanjaka, Andriamanitra manontolo Izy! Ary raha nanana betsaka an’Andriamanitra ianareo ao anatinareo, hany ka zara raha aloka iray fotsiny Izany, dia izany no hery ampy hanao tany vaovao iray. Izany no hery ampy hanao volana iray vaovao sy rafitra iray vaovao. Izany no Andriamanitra, ary matanjaka izany! Ary izao ankehitriny izao ny mpino tsirairay ato dia manana Fiainana Mandrakizay, izany dia, ny Fanahin’Andriamanitra ao anatinareo; Hery ampy izay hanangana ny maty, izay hanasitrana ny marary, izay hametraka an’ireo toeran’ny kintana ao amin’ny toerany. Fa ianareo, fehezin’ny lalàna iray izany, io Fanahy izay ao anatinareo io. Zanakalahy sy zanakavavin’Andriamanitra ianareo. Io Fanahy iray ihany izay anananareo ao anatinareo io, no hanangana ny tenanareo amin’ny andron’ny fitsanganana.

<sup>148</sup> Jesosy, fony Izy teto an-tany, rehefa maty Izy, dia nidina nankany amin'ny Helo ny Ainy, "Ary nitory teny tamin'ireo fanahy izay tao an-tranomaizina, ireo aina tao an-tranomaizina, izay tsy nibebaka tamin'ny fahari-po tamin'ny andron'i Noa." Ny Vatany no nandeha tao am-pasana. Fa talohan'ny Nahafatesany, dia nametraka Ny Fanahiny teo antan'an'Andriamanitra Izy. Ny Fanahiny dia nandeha nankany amin'Andriamanitra; ny Ainy nandeha nankany amin'ny Helo; ary ny Vatany nandeha nankao am-pasana. Ary voasakana tsy ho ao amin'ny fitsanganana Jesosy mandra-pahatanteraky ny Soratra. Tsy afaka niverina Izy, satria tsy maintsy nijanona tao am-pasana nandritry ny telo andro sy alina Izy. Fa rehefa tanteraka ny Soratra rehetra, dia nesorina io sakana io; nidina nankao amin'ny Ainy Ny Fanahiny, ny Ainy nankao amin'ny Vatany, ary nitsangana indray Izy.

<sup>149</sup> Ary rehefa maty isika, ny aintsika dia handeha eo ambanin'ny alitaran'Andriamanitra; izay efa nananako tombontsoa hahita, maraina vitsy lasa izay, araka ny fantatrareo, tao amin'ilay fahitana, izay resahan'ny Baiboly. "Ny fanahintsika dia handeha hankany amin'Andriamanitra Izay nanome azy, ary ny vatantsika dia hiverina amin'ny vovoky ny tany." Fa indray andro any, rehefa tanteraka ny Soratra, dia hiala avy eo amin'Andriamanitra ny fanahintsika, haka an'ilay aina, ary ilay aina ho ao amin'ilay vatana. Ary ny Hery izay hanangana antsika, dia ao anatintsika mihtisy ankehitriny! Ao amin'ireo toeran-Danitra isika ankehitriny. Ao amin'ny Herin'ny fitsanganana isika ankehitriny.

<sup>150</sup> Raha tsy nisy lalàna iray ho an'izany, dia ho namorona tontolo iray ho azy ireo zanakalahy sy zanakavavin'Andriamanitra eto ka handeha hiaina amin'ny fiainana manokana iray eo amin'izany. Manana ny Hery hanaovana an'izany ianareo ao anatinareo. Raha manana aloka iray an'ny Herin'Andriamanitra ianareo ao anatinareo, dia manana Hery anaovana an'izany. Faratampon'ny hery Andriamanitra. Hitanareo ve izay tiako lazaina? Ilay Hery izay ao anatinareo no hanao. Afaka miteny tontolo iray ho amin'ny fisiana ianareo ka mandeha miaina eo amin'izany. Haleloia! Eo ianareo izao.

<sup>151</sup> Izany ilay Hery ao amin'ilay Fiagonana ankehitriny, saingy fehezin'ny lalàna iray izany. Ary io lalàna io dia tsy hoe "mitandrina andiana lalàna iray." Izany dia lalàna iray an'ny finoana. Hoy Jesosy hoe, "Ny zavatra rehetra dia azo atao ho an'ireo izay mino." Ary raha afaka mino an'izany ianareo, na inona na inona hitarihan'Andriamanitra ny fanahinareo hinoana, dia anareo izany. Ny toerana tsirairay izay ahafahan'ny faladian'ny tongotrareo hipetrahana, amin'ny finoana, dia omen'Andriamanitra anareo izany. Amena! Anareo izany, manana an'izany ianareo, raha afaka mahita

ny fanalahidin'io lalàn'ny finoana io ianareo izay manokatra an'izany aminareo. Hitanareo ve izay tiako lazaina? Io Hery io dia fehezin'ny... Raha zanakalahin'Andriamanitra ianareo, raha zanakavavin'Andriamanitra ianareo, dia tsy hiala aminareo mihitsy izany. Miaraka aminareo foana Izany. Fa, ny finoanareo no miala lavitra an'Izany, saingy mbola eo foana Izany. Haleloia!

<sup>152</sup> Rehefa voavonjy ianareo, dia manome anareo finoana hitsangana avy ao amin'ny loton'ny tany Andriamanitra. Ny finoanareo no mandresy an'ireo zavatr'izao tontolo izao. Inona ny finoanareo? Ny finoanareo ao amin'io hetsika izay efa nataon'Andriamanitra tao anatinareo io, mba hanao anareo ho zanak'Andriamanitra iray. Manajanona ny lainganareo ianareo, manajanona ny halatrareo ianareo, manajanona ny fisotroanareo ianareo, satria ny finoanareo no mampiakatra anareo eo ambonin'izany. Amena. Raha tsy manao an'izany ianareo, dia tsy manana finoana mihitsy. "Ary tamin'ny finoana no namonjena anareo, ary tamin'ny alàlan'ny fahasoavana izany."

<sup>153</sup> Arakaraky ny habetsahan'ny finoanareo hivoaka, dia betsaka toy izany koa ny Hery izay azonareo ananana, satria mitoetra ao anatinareo ny Hery hanao Lanitra sy tany. Andriamanitra no mitoetra ao anatinareo, ary zanakalahy sy zanakavavin'Andriamanitra ianareo. Amena! Eo ianareo izao. Fa, izany no finoanareo. Hoy Jesosy hoe, "Araka ny finoanao, dia aoka ho tonga aminao izany. Raha mety mino ianao, dia azo atao ny zavatra rehetra. Marina tokoa, Lazaiko aminareo, raha milaza amin'io tendrombohitra io ianareo hoe, 'Mifindrà,' ka tsy misalasala, fa mino fa izay nolazainareo."

<sup>154</sup> Noho izany dia karazan'olona inona, no tokony hahazy antsika, manana finoana an'io Kristy lehibe manavotra izay velona ao anatintsika io, io Vatolampy nokapohina io izay tsy miala amin'ilay Fiagonana mihitsy? "Momba anareo foana Aho, hatramin'ny faran'izao tontolo izao mihitsy aza," ilay Fanatrehana mandrakariva an'ilay fantsitsitra lehibe an'ny famonjena sy Hery izay nararaka avy teo Kalvary nankao amin'ny Fiagonana, ilay Fanatrehana mandrakariva an'ilay Andriamanitra velona, ilay Vatolampy lehibe mikoriana, nokapohina izay mandeha miaraka amintsika eo amin'ny diantsika.

<sup>155</sup> Verin'ny Isirael ny finoany. Niala tamin'ilay lalana izy ireo. Nanomboka nitsiriritra an'ireo vilanin-kena izy ireo. Raha nijanona niaraka tamin'ny finoana izy ireo, ka nino fa Andriamanitra no hitondra azy ireo hankao amin'ilay tany, dia tsy ho nisy na inona na inona nisakana azy ireo. Efa nanokatra an'ireo ranomasina izy ireo, efa namely loza teo amin'ireo fahavalony izy ireo, efa nanohombo ny fahavalony taoriany izy ireo, ary efa nandeha tao amin'ilay tany, nefo mbola tsy afaka nanana finoana foana handeha eo amin'ilay teny fikasana.

<sup>156</sup> Josoa sy Kaleba no nanana an'io finoana io! Hoy izy ireo hoe, "Mihoatra noho ny mandresy ny zavatra rehetra izay tonga eo anoloantsika isika."

<sup>157</sup> Izany ilay olana amin'ny fiangonana. Afaka mandresy ny aretina rehetra isika. Manana ny Hery isika ao anatintsika. Zanakalahy sy zanakavavin'Andriamanitra isika, tsy misy na inona na inona afaka mijoro eo anoloantsika. Zavatra tokana, mila mahita olona iray izay hino an'izany Izy, izay hino an'izay efa nataon'Andriamanitra ho anareo. Tsy hoe isika dia *ho*; isika dia ankehitriny! Ary ilay Fanatrehana velona mandrakariva an'ny Fanahy dia miaraka amintsika. Amena! Eo ianareo izao.

<sup>158</sup> Izany no tiako lazaina rehefa niresaka ny amin'ity lohahevitra ity aho izao maraina izao hoe, *Ilay Rano Avy Amin'Ny Vatomampy Manatrika Mandrakariva*. Ilay Rano avy amin'ny Vatomampy manatrika mandrakariva dia eto mihitsy ankehitriny, io Rano manatrika mandrakariva avy amin'io Vatomampy nokapohina teo Kalvary io. Rehefa nivoaka avy tao Aminy io Fanahy Masina io teo Kalvary, izay niverina indray teo amin'ilay Fiangonana tamin'ny Andron'ny Pentekosta, dia io Fanahy Masina iray io ihany no manatrika izao maraina izao. Ary manome antsika teny fikasana iray Izy!

<sup>159</sup> Izany no antony, mandeha eo anatrehan'ny olona marary aho, rehefa naniraka ahy Izy tany, dia mino an'izany aho; Andriamanitra no niteny an'izany! Tahaka an'izany no nitrangan'ireo fahitana; Andriamanitra no nampanantena an'izany! Tsy afaka mandainga Andriamanitra.

<sup>160</sup> Minoa an'izany! Tsy maintsy mino an'izany ianareo. Tokony hisy Zavatra iray eo, hanokatra an'io fanemporana io, hanokatra an'io zavatra io mba hamela anareo hiditra eo amin'izany. Ny ilaintsika androany dia tsy ny mivavaka ho an'ny Hery amboniny. Manana Hery ampy hanao tany vaovao iray ianareo. Ny ilainareo dia ny finoana mba hampiasana an'io Hery io. Ny ilainareo dia ny mifehy an'io fiainana io, ka miaina fiainana masina iray, ka rehefa mangataka zavatra amin'Andriamanitra ianareo, dia fantatrareo! Manana fahatokiana an'Andriamanitra isika, ny amin'izany. Fantatsika, fa raha mitandrina an'Ireo Didiny isika, dia tsy hihazona zavatra tsara tsy ho antsika Izy, raha mandeha miaraka Aminy isika. Andriamanitra mandeha miaraka amintsika. Oh, oadray!

<sup>161</sup> Tsy nanana afa-tsy zavatra anankiray natao izy ireo. Tsy nanana afa-tsy zavatra anankiray natao izy ireo, izany dia, ny mijanona mahitsy eo amin'ilay lâlana. Tsy hoe mirenireny *eto*, ary mirenireny *etsy*; fa mijanona eo amin'ilay lâlana! Tsy manana afa-tsy zavatra anankiray hatao ilay Fiangonana, mijanona eo amin'ilay lâlana! Nanana Andry Afo iray izy ireo, hoe izy ireo dia, tsy maintsy mihazona ny tenany ao amin'ny lâlana amin'ny fanarahana an'io Andry Afo io. Izany no nitarika azy ireo. Ny zavatra izay azon'izy ireo nojerena, dia io Andry Afo

io. Nahita an'Izany niasa tamin'ny alàlan'i Mosesy izy ireo, ary fantatr'izy ireo fa izy no mpitarika.

<sup>162</sup> Androany dia manana ny Teny isika. Manaraka ny Teny isika. Ary mahita ny Teny miasa ao amin'ireo mpino isika, ka fantatsika fa tahaka an'izany ilay izy, arak'izany. Andriamanitra miasa miaraka amintsika, manamarina ny Teny miaraka amin'ireo famantarana izay manaraka! Mijanona amin'ny Teny isika. Ny Teny no mamokatra an'ireo vokatra.

<sup>163</sup> Nijanona tamin'i Mosesy izy ireo. Satria, ilay Andry Afo, nanaraka an'Izany i Mosesy. Ary nanaraka izy ireo. Rehefa nanomboka nihodina nanohitra an'i Mosesy izy ireo, ary nifamaly nanohitra an'Andriamanitra sy nanohitra an'i Mosesy, dia lasa nirenireny nankany amin'ny ilany iray sy ilay hafa izy ireo. Tonga ireo olana. Azo antoka.

<sup>164</sup> Mijanona amin'ny Teny isika, ary ny Teny no mamokatra an'ireo famantarana. Hoy Jesosy hoe, "Izao famantarana izao no hanaraka an'ireo izay mino ny Teny." Hitanareo, izany dia mijanona miaraka amin'ny... Mijanona amin'ny Teny, ny Teny no mamokatra an'ireo famantarana. Fa, Mosesy, inona no nataony?

<sup>165</sup> Nirenireny izy ireo, ary inona no nataon'izy ireo? Nirenireny niala tamin'ilay lâlana, ka veriny ny famatsian-dranony.

<sup>166</sup> Heveriko fa izany no nataon'ny fiangonana amin'izao andro izao. Nirenireny niala tamin'ilay lâlana'ny Soratra izy ireo. Very tao anatin'ireo isma izy ireo. Very tao anatin'ireo zavatra kely izay tsy tokony nataony izy ireo. Nanangana zavatra izy ireo. Nanangana zavatra toy ny Fanekem-pinoan'ny Apostoly izy ireo. Aiza no ahitanareo an'izany ao amin'ny Baiboly? Nanangana katesizy izy ireo izay vakiany. Nanangana anaram-pianganana izy ireo raha tokony ho fahatsapana iray. Nanangana fandraisan-tânana izy ireo raha tokony ho fahatsapan'ny fahaterahana indray. Nanangana famafazana izy ireo raha tokony ho ny batisan'ny rano. Nanangana fomba ratsy izy ireo, "Ray, Zanaka, ary Fanahy Masina," nefä tsy misy ny zavatra tahaka an'izany ao amin'ny Baiboly. Hoy ny Baiboly hoe, "Amin'ny Anaran'i Jesosy Kristy!" Zavatra anankiray ihany no atao raha mila an'io Rano iray io ihany ianareo, miverena indray eo amin'ilay lâlana. Miverena eo amin'ny... Izy dia tsy niala; mbola eto foana Izy. Ianareo no nandray an'ireo fanekem-pinoana raha tokony ho Kristy. Mirenireny miala ianareo mankao amin'ireo fahatezerana.

<sup>167</sup> Ny anankiray nanao hoe, "Eny, Metodista aho."

Ilay hafa manao hoe, "Batista aho."

Izany no maneho fa tsy Kristiana ianareo, arak'izany. An'i Kristy isika! Mikambana Aminy isika.

Hoy ianareo hoe, "Eny, raha, izaho, Batista iray ve?"

Raha izany ihany ianareo, amin'izay fotoana izay dia tsy an'i Kristy, Batista iray ianareo.

Hoy ianareo hoe, "Eny, Pentekotista aho."

Raha Pentekotista araky ny anaram-piangonana fotsiny ianareo, dia izay ihany ianareo.

<sup>168</sup> Fa, raha manana ny fahatsapana pentekotista ianareo! Ary ny Teny pentekotista no hamoaka fahatsapana pentekotista iray! Araho ireo zavatra iray ihany izay narahin'ireo mpianatra, mijanòna eo mandra-pahatonganareo ho feno ny Fanahy Masina.

<sup>169</sup> Ary avy eo raha lasa mifanohitra amin'ny Teny ianareo, io fanahy ao anatinareo io lasa mifanohitra amin'izay lazain'ny Teny, amin'izay fotoana izay dia tsy izany no Fanahy Masina. Izany no devoly maka tahaka ny Fanahy Masina. Hitanareo ve hoe lasa aiza isika eo amin'izany? Oh, niteny tamin'ny fiteny tsy fantatra ny sasany tamintsika, nanana an'ireo fotoan'ny fikiakiahana sy ny sisa tahaka an'izany isika, nefà nandà an'ireo zavatra hafa rehetra. Nandefitra ny zavatra rehetra izay tsy tao anatin'ny Soratra isika ho tonga ao amin'ny fiangonana. Aiza no misy antsika amin'izao andro izao? Miverina any amin'ny tany efitra hafa iray isika, rafi-pandaminana maina. Nandrafitra isika, ary nahavery ny Ranontsika. Izany marina tokoa no nataon'ny Pentekosta. Rehefa nanomboka nandrafitra izy, dia nanomboka nanimba ny fiombonana, ka nanao hoe, "Eny, tsy hikambana isika ankehitriny, raha mino an'izany io zalahy io."

<sup>170</sup> Mandrosoa, mijanòna miaraka aminy mandra-pahatonga azy hanatona ny Tenin'ny Fahamarinana, ny fahalalana ny Fahamarinana. Na inona na inona ilay izy, dia avelao izy handeha, na ahoana na ahoana. Manohiza fotsiny, aoka ho toy ny mpirahalahy.

<sup>171</sup> Fa, oh, tsy maintsy nandrafitra isika, ka manao hoe, "Eny, satria tsy an'ny Tokana ianao, satria tsy an'ny Roa ianao, na an'ny Telo, na tahaka an'izao, dia tsy hanana fiombonana aminao izahay." Amin'izay fotoana izay rehefa manao an'izany isika, dia inona no ataontsika? Mitondra ny tenantsika miverina avy hatrany any amin'ny tany efitra indray isika. Marina izany!

<sup>172</sup> Fa, tsarovy, rehefa nirenireny niala tamin'ilay lâlana ny Isirael, ilay lâlana mankany amin'ny tany nampantanenaina, dia tsy nandao azy ireo mihitsy ilay Vatolampy; nijanona tsara teo Izy, toy izany koa ilay rano. Toy izany koa ny Fanahy Masina, dia mijanona tsara eo. Tsy mila miverina mirenireny indray isika.

<sup>173</sup> Ankehitriny, eto Andriamanitra dia mampianatra antsika zavatra lehibe iray. Mampianatra antsika lesona iray Andriamanitra eto. Nokapohina indray mandeha Kristy, nanome antsika fahatsapana pentekotista iray, indray mandeha, tsy miverina. Ankehitriny, rehefa nokapohina io Vatolampy io,

dia tsy nila nokapohina indray Izy. Nokapohina indray mandeha fotsiny Izy.

<sup>174</sup> Nanao fahadisoana iray i Mosesy tamin'ny nikapohana Azy fanindroany, naneho ny fahalemen'ny finoany an'ilay Fanaovam-panavotana. Fa rehefa nokapohina indray mandeha Kristy, dia fantatsika fa tsy mila ho kapohina indray Izy. Eny, inona no nataon'i Mosesy? Nametraka zavatra iray vaovao i Mosesy, niezaka ny hanao zavatra iray vaovao.

<sup>175</sup> Ary tahaka an'izany no nataon'ireo mpitarika fivavahantsika amin'izao andro izao. Niezaka ny hanao zavatra vaovao iray izy ireo. "Hanao Assemblées de Dieu ho an'ny tenanay izahay. Hanao Fianganan'Andriamanitra Pentekotista ho an'ny tenanay izahay. Hanao Filan-kevitra Lehibe ho an'ny tenanay izahay. Hanao an'ity, itsy, na ny *hafa* ho an'ny tenanay izahay." Tsy izany no nataon'Andriamanitra. Tsy izany no Heviny.

<sup>176</sup> Nokapohina indray mandeha Kristy. Izany ilay fahatsapana tany am-boalohany. Izany ilay fanao tany am-boalohany. Tamin'ny Andron'ny Pentekosta, dia hoy Petera hoe, "Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy."

<sup>177</sup> "Izahay dia mamafy amin'ny anaran'ny 'Ray, Zanaka, Fanahy Masina,' manome an'ireo karazana fanekem-pinoana rehetra sy ny zavatra hafa rehetra mikasika an'Izany." Rehefa miala amin'ny Teny isika, dia tsy mahagaga raha tsy afaka ho tonga na aiza na aiza. Hitanareo?

<sup>178</sup> Mampianatra antsika lesona iray Andriamanitra. Mosesy dia tsy natao hilaza hoe, "Ankehitriny dia hanomboka zavatra iray vaovao isika eto ankehitriny, ary handrafitra isika ka hanao fiangonana Katolika." Izany ilay zavatra voalohany nataon'izy ireo. Tsia, avy eo afaka kelikely, "Eny, hanomboka zavatra iray vaovao avy amin'izany isika, hanao Loterana isika." Avy eo dia tonga ny Anglikana, ary avy eo ny Batista, ary inona koa, ary Campbellites, sy Fianganan'i Kristy, sy antikristy, ary ireo zavatra hafa rehetra. Hitanareo, nanomboka nanohy izy rehetra, anankiray taorian'ny iray hafa, anankiray taorian'ny iray hafa, nanao anaram-piangonana sy rafi-pandaminana. Tsy izany ilay izy. Hitanareo ve izay ataon'izy ireo? Mikapoka indray an'ilay Vatolampy izy ireo, mba hanomboka zavatra iray vaovao. Tsy mila foto-pampianarana iray vaovao isika.

<sup>179</sup> Ny olona tsirairay ao amin'ny Baiboly dia natao batisa tamin'ny Anaran'i Jesosy Kristy. Ny olona tsirairay ao amin'ny Baiboly dia nahazo ny Fanahy Masina, tonga tamin'ny fomban'Andriamanitra, ilay fomba nataon'Andriamanitra haha-izy azy marina tokoa. Nanao an'ilay zavatra iray ihany izy ireo. Nanana an'ilay fahatsapana iray ihany izy ireo. Ireo famantarana iray ihany no nanaraka azy ireo. Ireo asa iray ihany

no nanaraka azy ireo. Nahoana? Nivelona tamin'ilay Vatolampy izy ireo. Nanana an'ilay Rano iray ihany izy ireo.

<sup>180</sup> Ary, amin'izao andro izao, ny antony ananantsika fanekek-pinoana sy anaram-pianganana maro be, dia satria manomboka zavatra iray vaovao isika. Tsy mila na inona na inona vaovao isika. Miverena!

<sup>181</sup> Tsy natao hikapoka an'ilay Vatolampy indray i Mosesy, nanomboka zavatra iray vaovao. Natao hiteny amin'izy ireo izy, ny amin'ilay Vatolampy tany am-boalohany. Oh, manantena aho fa azonareo izany! Natao hiteny ny amin'ilay Vatolampy tany am-boalohany, nokapohina i Mosesy; fa tsy miezaka ny hikapoka Azy indray, tsy miezaka ny hanomboka zavatra iray vaovao, fa ny hiteny amin'ilay Zavatra tranaindy!

<sup>182</sup> Andriamanitra, ampio aho! Raha maty farahidiny aho, eo amin'ny polipitra, dia hiteny ny amin'ilay Vatolampy tany am-boalohany aho! Hiteny ny amin'ilay fahatsapano tany am-boalohany aho. Hiteny ny amin'ireo Soratra tany am-boalohany aho izay nanome azy ireo ny batsian'ny Fanahy Masina hoe, "Mibebaha, ny tsirairay avy aminareo, ka aoka hatao batisa amin'ny Anaran'i Jesosy Kristy ho an'ny famelàna ny fahotana, ary ianareo handray ny fanomezan'ny Fanahy Masina." Ilay Fanatrehana mandrakariva an'ireo Rano mikoriana avy eo amin'ny Vatolampy dia mbola miaraka amintsika foana. Hamoaka an'ilay zavatra iray ihany Izany. Hamoaka an'ireo fahitana Izany. Hamoaka fanasitranana Izany. Hamoaka faminaniana Izany. Hamoaka ny zavatra rehetra izay nataon'izy ireo Izany.

<sup>183</sup> Rehefa niverina nilahatra tao amin'ny Soratra indray Isirael, ka niverina teo amin'ilay lâlana, dia nanohy nankao amin'ilay tany nampanantenaina izy ireo. Saingy nila efapolo taona izany ho azy ireo.

<sup>184</sup> Efa teo amin'ny efapolo na dimampolo taona teo izao ny Pentekosta, no nirenireny nanerana ny an-efitra. Miverena eo amin'ilay Vatolampy! Izany dia hita maso. Eto ilay izy, voasoratra eto amin'ny Teny eto mihitsy. Eto ny Fanahy Masina manao an'ilay zavatra iray ihany izay Nataony foana, noho izany dia eto ilay Fanatrehana mandrakariva an'ilay Rano. Miverena fotsiny eo amin'Izany, miverena amin'ilay voalohany, ilay tany am-boalohany. Toy ny ahoana ilay izy tao amin'ilay tany am-boalohany?

<sup>185</sup> "Eny, nandray tâhana an'ilay mpitory teny ve izy ireo"? Tsy misy ny zavatra tahaka an'izany. "Natao batisa tamin'ny anaran'ny 'Ray, Zanaka, Fanahy Masina ve izy ireo"?? Tsy misy ny zavatra tahaka an'izany. Tsy nisy olona tao amin'ny Baiboly, na taiza na taiza, na (tany ankoatran'ny telonjato taona) tany ankoatran'ny Baiboly, hany natao batisa tamin'ny anaran'ny

“Ray, Zanaka, Fanahy Masina.” Fanekem-pinoana Katolika izany, fa tsy foto-pampianaran’ny Baiboly. Hitanareo?

<sup>186</sup> Nanana ny Fanahy Masina izy ireo. Nanaraka an’ireo izay nino ireo famantarana ireo. Hanao an’izany indray Izy amin’izao andro izao. Io Vatolampy io dia velona mandrakariva tahaka ny naха-изы азы hatramin’izay, io Vatolampy nokapohina io!

<sup>187</sup> Ndao isika tsy hanao hoe, “Eny, ankehitriny dia tongava ianareo ka mikambàna amin’ny fiangonanay Pentekotista, midira ao amin’ny faritray Pentekotista.” “Tsia, tongava ianareo ka mikambàna amin’ny Batista, na ny Metodista, na ny Presbyterana, na Katolika.” Inona izany? Izany no mikapoka an’ilay Vatolampy indray, miezaka manomboka zavatra iray vaovao.

<sup>188</sup> Teneno izy ireo hoe, “Mibebaha, ary aoka hatao batisa amin’ny Anaran’i Jesosy Kristy,” ho an’ny famelàna ny fahotan’izy ireo, “ary izao famantarana izao no hanaraka an’ireo izay mino.” Ankehitriny dia miverina eo amin’ilay lèlana ianareo, miverina eo amin’ilay Rano iray ihany. Ilay Rano iray ihany no hanome an’ireo fanavaozana iray ihany. Izany no hanome an’ilay karavasy iray ihany amin’ny vatana. Izany no hanome an’ilay hery manadio iray ihany. Izany no hanome an’ilay hery manasitrana iray ihany. Izany no hanao an’ilay zavatra iray ihany izay nataon’izy ireo tamin’izany, raha hiverina amin’ilay Fanahy iray ihany fotsiny isika.

<sup>189</sup> Ny aina izay tao amin’ilay tahom-boaloboka no hamoaka voaloboka. Raha namokatra izy tamin’ny taona lasa, dia hamokatra an’ilay zavatra iray ihany izy amin’ity taona ity. Lalàn’Andriamanitra iray izany. Ny lalàn’Andriamanitra dia izao, raha tahom-boaloboka iray ity, dia avelao izy hipetraka tsara, hamokatra voaloboka izy. Afaka mampifangaro azy amin’ny zavatra hafa ianareo, fa amin’izay fotoana izay dia avelao izy hipetraka tsara fa hiverina indray amin’ireo voaloboka iray ihany indray izy.

<sup>190</sup> Tahaka an’izany no nampifangaroantsika ny fiangonana tamin’ny Pentekotisma, tamin’ny Batisma, tamin’ny Metodisma, tamin’ny Presbyteranima, tamin’ny-tamin’ny Anglicanisma, ary ny karazana isma hafa rehetra. Nahoana ilay izy no tsy avelanareo hipetraka tsara? Miverena amin’ilay Voaloboka, dia hiverina amin’ilay Hery iray ihany izy. Amena! Amena! Tiako izany.

<sup>191</sup> “Manomboka zavatra iray vaovao.” Nanao an’ilay zavatra iray ihany isika. Tsy hoe miezaka maneho ny fahefantsika. “Dokotera *Ranona-sy-ranona* no mpanorina an’ilay fiangonana malaza *Izao-sy-izao* an’izao-sy-izao-ary-izao.” Tsy izany ilay izy.

<sup>192</sup> Izany no nolazain’i Mosesy hoe, “Hasehoko azy ireo izay azoko atao. Ho entiko izany, na ahoana na ahoana!” Nokapohiny Izany, dia tsy tonga ilay izy. Nihorakoraka indray izy hoe,

“Hasehoko izay azoko atao!” Nifanaraka taminy mikasika an’izany Andriamanitra.

<sup>193</sup> Aza mihevitra ianareo, hoe ianareo raha “mifikitra fotsiny amin’ny anaram-piangonana iray.” Hifanaraka aminareo mikasika an’izany Andriamanitra. Tena marina tokoa izany. Tsy maintsy miverina amin’io tany am-boalohany io ianareo. Miverena.

<sup>194</sup> Mitenena fotsiny amin’ny olona. (Aza miteny amin’izy ireo hoe, “Avia ianareo hikambana amin’ny fiangonanay. Avia ianareo hanao tsianjery ny fanekem-pinoanay.”) “Miverena ianareo ka mibehaha, ary aoka hatao batisa amin’ny Anaran’i Jesosy Kristy, ho an’ny famelàna ny fahotanareo; ary ianareo handray ny fanomezan’ny Fanahy Masina, raha mahitsy ny fonareo. Ary izao famantarana izao no hanaraka an’ireo mpino. Vondrona iray an’ny mpino, izao famantarana izao no handeha hiaraka amin’izy ireo.” Satria nahoana? Ilay Vatolampy, ilay Vatolampy nokapohina ka Ireo Ranon’Ainy dia mivoaka avy hatrany, mamokatra an’ilay zavatra iray ihany izay Nataony tany aorianana tany. Tsy misy Azony atao mihitsy. Oh, eny.

<sup>195</sup> Te-hisehoseho isika, ka manao hoe, “Metodista izahay, ary Batista.”

<sup>196</sup> Mitenena fotsiny amin’ilay Vatolampy, Izy no Fanatrehana mandrakariva. Aza miezaka mikambana amin’Izany. Izaho dia “nikambana” eto. Aza miezaka mikambana amin’Izany. Tsy afaka mikambana amin’Ity ianareo, zavatra anankiray azo antoka izany. Afaka mikambana amin’ny Metodista ianareo, afaka mikambana amin’ny Batista ianareo, afaka mikambana amin’ny Pentekotista ianareo, afaka mikambana amin’ny Anglikana ianareo, fa tsy afaka mikambana amin’Ity. Tsia. Tsy maintsy feno an’Ity ianareo. Aza mikambana amin’Izany; aoka ho feno an’Izany fotsiny. Izay ihany. Feno inona Izany? Feno Hery, feno ny Fanahy, feno Fiainana, feno fifaliana, fiadanana, fahari-po, fahalemem-panahy, fahatsarana, Herin’ny Fanahy Masina ao amin’ny fiainanareo, satria eo ilay Fanatrehana mandrakizay. Tsarovy.

Tsy maintsy hamarana aho satria efa tara izao.

<sup>197</sup> Fa, tsarovy, tsy nandao azy ireo mihitsy io Vatolampy io. Tsy nandao azy ireo mihitsy Izy. Ary tsy handao antsika mihitsy Kristy; hoy Kristy hoe, “Homba anareo foana Aho, hatramin’ny faran’izao tontolo izao mihitsy aza.” Marina ve izany? Ary nijanona niaraka tamin’izy ireo io Vatolampy io hatrany Horeba rehetra tany ka hatrany Nebo. Nijanona Izy. Hatrany Jordana, dia mbola teo foana Izy. O Andriamanitra, tiako ny hahita Azy eo Jordana!

<sup>198</sup> Mosesy, rehefa teo Jordana izy, dia niaraka taminy hatrany foana ilay Vatolampy. Ary nitsangana teo izy, nijery ny—ny andiam-bahoaka iray izay niverin-dàlana sy lasa nanalavitra

an'Andriamanitra. Naniry mafy azy ireo ny fony. Ary njery tany ankoatran'i Jordana izy. Indro izy teo Jordana. Jordana, arapanahy, no resahako. Ary indro izy nitsangana teo, nanatona azy ny fahafatesana. Saingy njery izy, nipetraka teo akaikiny ary nipetraka teo ilay Vatolampy. Niakatra teo ambonin'ilay Vatolampy fotsiny izy, ka tonga ireo Anjely, nitondra azy.

<sup>199</sup> “Tsy hamela anao mihitsy Aho na handao anao.” Tsy mampaninona na miha-sarotra toy ny inona aza ireo fotoana, miha-antitra toy ny ahoana isika, karazana fahafatesana inona no ahafatesantsika, tsarovy, ho eo Jordana ilay Vatolampy. Tsy hiala mihitsy na handao mihitsy Izzy. Tsarovy fotsiny izany. Ilay Fanatrehana mandrakariva an'ilay Rano avy amin'ny Vatolampy dia hiaraka amintsika mandritry ny fiainantsika rehetra, ary hatrany Jordana mihitsy aza.

<sup>200</sup> Ndao isika hanondrika ny lohantsika. [Manome hafatra amin'ny faminaniana ny rahalahy iray ao amin'ny fianganana—Mpand.]

<sup>201</sup> Raha mbola mihetsika eo anivontsika io Fanahy io, ny Fanahin'Andriamanitra mihetsika eo anivontsika, dia hisy ve eto izao maraina izao ireo izay tsy mahafantatra an'i Kristy, ary ianareo dia—ianareo dia tsy akaikin'io Vatolampy io, tsy mahay miresaka Aminy akory aza izao maraina izao? Saingy fantatrareo fa manatrika Izzy. Mijery Azy miasa hatraiza hatraiza, mahita Azy mihetsika manerana, mahita Azy mihetsika eo amin'ny olona. Izany no Fanatrehana mandrakariva an'ilay Rano. Izany no famonjena. Izany no Fanahy izay mameno ny kapoakan'izy ireo ho eo amin'ny toerana iray hany ka tsy afaka mihazona ny filaminany intsony izy ireo, misy zavatra tsy maintsy mivoaka. Ary raha tsy mahafantatra Azy ianareo, dia tianareo ve ny hanangana ny tànanareo ka hanao hoe, “Mivavaha ho ahy, Rahalahy Branham. Te-hahafantatra Azy aho ankehitriny. Ary te-hiresaka Aminy aho, ary te-hahafantatra Azy araka ny fahafenoan’Ny Fanahiny. Te-hahafantatra aho fa eo akaikiko mihitsy Izzy, isan’andro. Mino aho fa eo akaikiko Izzy. Saingy te-hahay hiresaka aho. Ary mangetaheta aho, sy noana an'Andriamanitra. Te-hahafantatra Azy tsaratsara kokoa aho”?

<sup>202</sup> Andriamanitra hitahy anao, tompoko. Ary Andriamanitra hitahy anao, tompoko. Ary ianao, rahalahy. Ianao, hia, iry amin'ny farany aorianea iry. Ny eto, ramatoa, eny. Eny, ramatoa. Hitanay ny tànanao, ary hitan'Andriamanitra izy ireo. Andriamanitra hitahy anao, ry lehilahy tanora. Andriamanitra hitahy anao. Ary ianao, ramatoa. Amena. Andriamanitra hitahy anao. Hitahy anao, ranabavy. Olon-kafa iray ankehitriny, ao amin'ny fotoana mangina. Andriamanitra hitahy anao, iry aorianea iry, lehilahy tanora.

<sup>203</sup> Eritrereto izany. Eritrereto izany, ilay Fanatrehana mandrakariva an'ilay Rano avy eo amin'ny Vatolampy, ilay Fanahy iray ihany; izay Niantsoantsoiny tany tamin'ny

andron'ny fitsarana Azy, rehefa nitondra ny fitsarantsika Izy. Ary namely Azy ny tehim-pahatezeran'Andriamanitra, ka voarakotra tao anatin'io tehina io ireo fahotanareo, ary namely Azy, ka nifantsitsitra nivoaka avy tao Aminy Ny Ràny sy ny rano. Hoy Izy hoe, "Ray, eo an-Tànanao no Apetrako Ny Fanahiko." Ary tamin'ny Andron'ny Pentekosta, dia tonga Izany mba handeha hiaraka amintsika mandrity ny dia. Ary tena akaiky Izany ankehitriny.

<sup>204</sup> Rehefa nitsingevana nivoaka ianareo, ka nirenireny lavitry ny Trano; dia manaova hoe, "Tompo, tonga ao an-Trano aho" Raha mbola mihira an'izany isika, raha te-hanatona ny alitara ianareo ka hanao fanokanan-tena indray, ihany koa, an'ny fanahinareo, ho an'i Kristy? Amena.

Nirenireny lavitra an'Andriamanitra aho, (niala tamin'ilay lâlana)

Ankehitriny dia tonga ao an-trano aho;  
Ilay lâlân'ny tsi-finoana (dia ny fahotana) no nodiaviko ela be,  
Tompo, tonga ao an-trano aho.

Tonga ao an-trano, tonga ao an-trano,  
Tsy hivezivezy intsony mihitsy;  
Sokafy midanadana ireo Sandrim-pitiavanao,  
Ankehitriny, Tompo, tonga ao an-trano aho.

<sup>205</sup> [Manohy misamonomonona Rahalahy Branham, *Tompo, Tonga Ao An-Trano Aho—Mpand.*]

<sup>206</sup> Manatona avy hatrany ny zazalahy kely telo, haingana mihitsy, ranomaso no eo amin'ny masonry, mandohalika eo amin'ny ilan'ny alitara. Mazava ho azy, voavela izy ireo. Voavela izy ireo talohan'ny nialan'izy ireo tamin'ny sezany mihitsy aza, rehefa nandray ny fanapahan-keviny kely izy ireo. Nandroso fotsiny izy ireo ary nandohalika teo, mba hampahfantatra ny olona an'izany, hoe lafiny inona no misy azy ireo, amin'ity maraina ity.

<sup>207</sup> Nihevitra aho fa hisy olona antitra vitsivitsy no te-hanao an'izao, te-handohalika fotsiny, ka hanao hoe, "Tompo, izaho—efa nirenireny lavitra niala tamin'ilay lâlana aho. Efa nisalasala betsaka aho, ary matetika aho dia nirenireny ka latsaka tao anatin'ny fahotana. Ankehitriny aho—te-hiverina aho alohan'ny haha-tara loatra an'ilay izy. Andriamanitra, izaho—te-ho avy aho. Te-ho avy marina mihitsy tokoa aho ka handohalika." Amena.

<sup>208</sup> Ankehitriny, ny zanakavavy kely telo an'i Arthur Beam, saiky mitovy hahabe, nanatona eto izy ireo, nandohalika.

<sup>209</sup> Mandroso ny zazavavy kely iray izay vao avy nahazo anadahy kely vaovao any an-trano. Indray andro dia nipetraka fotsiny aho; tonga Rtoa. Wood ka niteny tamiko, nilaza fa nandeha nankany amin'ny hopitaly io anabavy io mba hahazo

zazakely iray. Hoy ny Fanahy Masina hoe, “Mandehana teneno amin’izy ireo fa ho zazalahy iray izany.” Rehefa teraka izy, dia zazalahy kely ilay izy.

<sup>210</sup> Ilay izy dia toy ny hoe ireo ankizy izao maraina izao, ireo ankizy kely avy ao amin’ny kilasy kelin-dRanabavy Arnold, no manokana ny fiainany. Ny alitara manontolo, eto amin’ny ankavanako, dia feno ankizy kely.

<sup>211</sup> Ho tsara raha hihira hira fiderana iray isika, ilay alitara, ho an’ny sisa amin’ireo olona, (sa tsy izany?) ireo lehibe.

Ankehitriny, Tompo, tonga ao an-trano aho.

Tonga ao an-trano . . . ? . . .

Tsy hivezivezy intsony mihitsy;  
Sokafy midanadana ireo Sandrim-pitiavanao,  
Ankehitriny, Tompo, tonga ao an-trano aho.

<sup>212</sup> Ndao isika hanondrika ny lohantsika vetivety fotsiny, ho an’ny vavaka, ho an’ireto ankizy kely ireto.

<sup>213</sup> Ray any An-danitra, raha hisy ampitso iray ho tonga, raha mbola haharitra folo na dimy ambin’ny folo taona hafa Jesosy, dia ireto no ho zazalahy sy zazavavy izay hitondra an’ity Hafatra ity hatrany amin’ireo taranaka hafa ho avy. Tsy misy fisalasalana ato an-tsaiko, Tompo, fa amin’ny androm-piaianany rehetra dia hahatsiaro izy ireo fa nanatona an’ity alitara ity. Ary firavaka kely izy ireo, Tompo. Ny fo keliny tanora sy malefaka dia voaheloka izao maraina izao. Tsy nandre ny Hafatra rehetra akory aza; vao avy nivoaka ny efitra fotsiny, avy nandre ny Anabavinay Arnold niresaka; nandeha nanodidina ny alitara eto, manolotra ny fiainany kely ho Anao.

<sup>214</sup> Ankehitriny, Ray, vao avy namarana niteny aho hoe ao anatinay no mitoetra ny Fanahy Masina. Ary io Fanahy Masina io, ny finoana miaraka amin’io Fanahy io, no manao ny zavatra rehetra. Ary mino aho fa amin’ity ora ity mihitsy, no Amelanao ny fahotana rehetra izay nataon’izy ireo. Ka mangataka Aminao aho, miaraka amin’ny finoana rehetra izay ato am-poko, mba Hitehirizanao an’ireo fiainany kely manerana ny lalana. Enga anie izy ireo tsy ho very eo amin’ilay Lala.

<sup>215</sup> Zavatra hafahafa marina tokoa izao. Nilaza ny Fanahy izao maraina izao, fa izahay dia “hahita zavatra hafahafa.” Andriamanitra, raha nitsahatra tsy nifanaraka tamin’ny hafa Ianao, dia raiso ireo ankizy kely. Ahoana fa izao maraina izao, tao amin’ny antso teny amin’ny alitara, dia tsy nisy lehibe anankiray, fa ilay vondrona ankizy kely manontolo no nanatona. Kanefa, ilay izy dia Hafatra lehibe iray sarotra azo, na dia amin’ireo lehibe aza, saingy ny ankizy no nahatakatra ny Fanahin’Izany. Misaotra Anao izahay ny amin’izy ireo, Ray. Omeko Anao izy ireo, amin’ny maha-Mpanomponao, ho amboaran’ity fivoriana ity; ho, fahatsiarovana fa ilay Fanatrehana mandrakariva an’ilay Ranon’Aina dia hikorianana

miaraka amin'izy ireo raha mbola velona foana izy ireo. Enga anie izy ireo hanana finoana ankehitriny an'izay vao avy nitranga, hoe Andriamanitra izay nisintona azy ireo niala tamin'ny seza ka nandefa azy ireo eto, enga anie izy ireo hanana finoana an'io Andriamanitra io mandritry ny androm-painany rehetra. Enga anie ny fanahy kelin'izy ireo ho entina eo Aminao amin'ny andron'ny fahafatesan'izy ireo; hiverina indray ao amin'ny vatan'izy ireo amin'ny andron'ny fitsanganana. Anao izy ireo, Ray. Omenay Anao izy ireo amin'ny alàlan'ny Anaran'i Jesosy.

<sup>216</sup> Raha mbola manondrika ny lohantsika isika. Hangataka an'ireto ankizy kely rehetra eto amin'ny alitara ireto aho, izay mino fa Jesosy no Mpamponjinareo sy ilay Anankiray Izay niteny taminareo, teo amin'ny mpanatrika teo, mba hanatona eto sy handohalika manodidina an'ity alitara ity. Mino ve ianareo fa tia anareo Jesosy ka mamela ny fahotanareo? Tiako ianareo rehetra hitsangana ka hitodika any amin'ny mpanatrika. Izao, tahaka an'izany no ahafahanareo miteny amin'ny olona fa ianareo dia mino fa mamonjy anareo Jesosy. Ankehitriny dia mitsangàna, marina izany, ka mitodiha mankany amin'ny mpanatrika mihitsy. Ianareo zazalahy sy zazavavy kely rehetra izay tia an'i Jesosy, mitsangàna ka mitodiha mankany amin'ny fiangonana eo, ny tsirairay avy aminareo.

<sup>217</sup> Ahoana ny aminareo zazavavy kely eto aloha eto? Mino ve ianareo? Tia an'i Jesosy ve ianareo? Ireto zazavavy kely eto ireto, tia an'i Jesosy amin'ny fonareo rehetra ve ianareo? Tia ve ianareo? Tianareo ve Izy? Tianareo ve Izy, ry malala? Mitsangàna eto, ampahafantaro ny olona fa tia an'i Jesosy ianareo. Andriamanitra hitahy anareo.

<sup>218</sup> Ankehitriny dia ndao isika hitodika amin'ity ilany ity ka hihira ho an'ireto olona ireto alohan'ny hialantsika, "Tia ahy Jesosy! Fantatro izany. Ny Baiboly no miteny amiko an'izany." Hitanareo? Ndao isika hanangana ny tànantsika fotsiny raha mihira an'izany isika ankehitriny. Eny àry, ndao isika hihira an'izany.

Tia ahy Jesosy! fantattro izany,  
Satria ny Baiboly no miteny amiko an'izany;  
Azy ireo ankizy kely,  
Malemy izy ireo . . .

<sup>219</sup> Ankehitriny miaraka amin'ny tànantsika mitsangana, firy ato no maniry—maniry ho eo?

Eny, tia ahy Jesosy,  
Eny, tia ahy Jesosy,  
Eny, tia ahy Jesosy,  
Ny Baiboly no miteny amiko an'izany.

<sup>220</sup> Ankehitriny dia mamerena aoriako ianareo rehetra: [Mamerina aorian-dRahalahy Branham ireo ankizy eo

amin'ny alitara—Mpand.] Mino aho fa Jesosy Kristy no Zanak'Andriamanitra. Androany dia manaiky Azy ho Mpamponjiko manokana aho. Manomboka amin'ity andro ity, manomboka izao, dia ho tia Azy sy hanompo Azy aho. Amena.

<sup>221</sup> [Hoy ny rahalahy iray ao am-piangonana hoe, “Rahalahy Branham, manana ankizy efatra aho eo amin’ny foko amin’izao fotoana izao. Hivavaka ho azy ve ianao azafady?”—Mpand.] Azo antoka hivavaka aho, Rahalahy Ben.

<sup>222</sup> Ray any An-danitra, hitan’ity lehilahy ity fa manatona an’i Kristy ireo ankizy kely hafa, ka miantsoantso izy, amin’ny maharay iray, ho an’ireo ankizy keliny manokana. Ary ny Fanahy izay nitondra an’ireto ankizy kely ireto teto amin’ny alitara, enga anie io Fanahy iray io ihany no hamonjy ny zanany, Tompo. Ekeo izany. Omenay Anao izy ireo, Ray, amin’ny Anaran’i Jesosy Kristy.

<sup>223</sup> Ankehitriny raha miverina eny amin’ny sezanareo ianareo ankizy kely, dia tiako ny olona rehetra manerana an’io laharana io handray tànana an’ireto ankizy kely ireto, na hitehatehaka azy ireo raha miverina izy ireo. Ianareo rehetra miverena amin’ny sezanareo, amin’ity lâlana ity. Ary aoka ny olona rehetra eo hitehatehaka fotsiny an’ireo ankizy kely. Ary tianay amin’ny fonay rehetra ianareo. Mambran’ny Vatan’i Kristy ianareo, tahaka ny sisa rehetra aminay ao anatin’Izany mihitsy.

Mandeha mankany Ziona isika,  
 Ziona tsara tarehy, tsara tarehy;  
 Mandeha miakatra mankany Ziona isika,  
 Ilay Tanànan’Andriamanitra tsara tarehy.

Avia, isika izay tia ny Tompo,  
 Ary aoka ho fantatra ireo fifalantsika,  
 Mikambana ao amin’ny hira amin’ny firaisansa  
     mamy,  
 Mikambana ao amin’ny hira amin’ny firaisansa  
     mamy,  
 Ary manodidina ny seza fiandrianana tahaka  
     an’izany,  
 Ary manodidina tahaka an’izany...

Izany no fihirana tsara indrindra! Ndao isika hanangana ny tànantsika ankehitriny.

Mandeha mankany Ziona isika,  
 Ziona tsara tarehy, tsara tarehy;  
 Mandeha miakatra mankany Ziona isika,  
 Ilay Tanànan’Andriamanitra tsara tarehy.

Ndao isika hifandray tànana raha mbola mihira isika ankehitriny.

Mandeha mankany Ziona isika,  
 Ziona tsara tarehy, tsara tarehy;  
 Mandeha miakatra mankany Ziona isika,  
 Ilay Tanànan'Andriamanitra tsara tarehy.

<sup>224</sup> Ankehitriny dia ndao isika hitsangana miaraka amin'ny lohantsika miondrika, raha mbola isika... Tendreo izany Rahalahy Teddy, iray fotsiny... [Manomboka misamonomonona Rahalahy Branham, *Mandeha Mankany Ziona Isika*—Mpand.]

<sup>225</sup> Manana fangatahana vitsivitsy aho eto, ary mosara sy ny sisà. Mety avy any am-pitan-dranomasina izy ireo. Niteny tamiko i Billy fa nanana bân-kiraro kely avy tamin'ny zaza kely iray any Angletera izy ireo, saiky *izao* ny halavany, kilemaina tanteraka ilay zavatra kely. Ary noho izany isika dia tokony hivavaka ho an'izany, ihany koa.

<sup>226</sup> Ary noho izany... [Ao amin'ny fiangonana, hoy Rahalahy Ben hoe, "Rahalahy Branham, mamele ahy azafady nitsofoka tampoka, fa mivavaha mba, ilay nandôna ny fiaranay indray hariva, teo amin'ny arom-pifandonana ankavanana eo aloha, mivavaha mba ho voambara izany. Mivavaha mba hambaran'ny Tompo izany."—Mpand.] Amena, Rahalahy Ben, azo antoka fa hataoko izany.

<sup>227</sup> [Manohy misamonomonona Rahalahy Branham, *Mandeha Mankany Ziona Isika*—Mpand.]

<sup>228</sup> Raha mandeha izahay, Tompo, dia fantatray fa eo akaikinay hatrany foana ilay Vatolampy nokapohina, ilay Fanatrehana mandrakariva an'ny Rano avy amin'ny Vatolampy dia mandeha miaraka amin'ilay Fiagonana. O Andriamanitra Mandrakizay, alefaso ho anay, *izao* maraina *izao*, ny finoana an'io Andriamanitra izay miaraka aminay io. Fantatroy fa handefa Ianao, tahaka ny ahitanay fitia Amino fotsiny, ka afaka hahatoky anay amin'Izany Ianao. Raha hanome an'Izany betsaka ho anay Ianao, dia mety ho diso fampiassa an'Izany izahay, Tompo. Fa raha mahita fitia Amino izahay, dia aoka hitranga izany.

<sup>229</sup> Nilaza ny rahalahinay fa nisy olona nandôna ny fiarany. O Andriamanitra, fantatray fa tsy manam-bola hanaovana an'ireo zavatra ireo ilay lehilahy. Mivavaka aho mba Hitondranao an'ilay olona eo ambanin'ny faharesen-dahatra, na zavatra iray, mba ahafahany mibebaka tamin'ny fanaovana an'izany, ho avy, hanao hoe, "Rahalahy, hamboariko ny fiaranao, izaho no nanao an'ilay izy." Ampio Rahalahy Ben sy ireo malalany.

<sup>230</sup> Indro mipetraka eto an-tanako ireo mosara sy fangatahana, manana finoana an'io Andriamanitra io. Nanana finoana an'io Andriamanitra io i Mosesy, ka niampita an'ilay ranomasina izy. Nanana finoana an'io Andriamanitra io i Daniela, ka navoaka avy tao amin'ny lavaky ny liona izy. Sadraka, Mesaka, ary Abednego, dia nanana finoana Azy, ka namono an'ilay afo.

Nanana finoana Azy i Paoly, ary indray andro rehefa tena saroatra ireo asa ka tsy afaka nandeha nankany amin'ny olona rehetra i Paoly, dia nalaindy fotsiny ny mosara iray, hoy izy hoe, "Mino aho fa momba ahy Andriamanitra." Napetrany teo ambonin'ireo mosara sy aron'akanjo ny tânany, dia nivoaka tamin'ny olona ireo fanahy ratsy, ary niala tamin'izy ireo ny aretina sy ny faharariana. Ary, Andriamanitra, manana finoana an'ilay Andriamanitra iray ihany aho. Enga anie hiala ny ratsy. Aretina, faharariana, fahoriania, enga anie hiala izany, Tompo.

<sup>231</sup> Ianao no ilay Andriamanitra iray ihany izay niteny tamiko tany tao anatin'io Andry Afo io, tany amin'ilay renirano. Ianao no ilay Anankiray izay manana ny Sarinao mihantona miaraka amiko eto, eo amin'ny rindrina. Momba anay Ianao, Tompo. Manatrika mandrakariva Ianao, io Andry Afo iray io ihany. Ary mankasitraka an'ilay Rano avy amin'ny Vatolampy isan'andro izahay, raha mikambana ao amin'ny Fanahy. Noho izany, dia eto Ianao. Manana fahatokiana Anao izahay, Tompo. Manana finoana Anao izahay. Mino izahay fa hanosatra anay Ianao ary hanampy anay. Tsy ho an'ny voninahitray, Tompo; ho tahaka an'i Mosesy izahay raha izany, rehefa nanao an'ilay zavatra diso izy. Tianay ny hanao zavatra mba hanampiana Anao, Tompo. Izany no fikasan'ny fonay, hanampy Anao, raha mety vitanay izany. Ianao no maneho aminay, Ray, na inona na inona Tianao hataonay.

<sup>232</sup> Ary ankehitriny, eo ambonin'ny hetsiky ny finoana, no anamelohako ny aretina izay solo'in'reto mosara ireto tena, sy ireto fangatahana ireto. Hiala amin'ny olona izy ireo. Fantatro fa Hataonao izany, Tompo. Mino an'izany aho, ao am-poko, fa Hataonao izany. Sitrano ny aretina rehetra eto afovoanay izao maraina izao.

<sup>233</sup> Vonjeo ireo nanangana ny tânany, izay nilaza fa tian'izy ireo ny hanatona an'ilay Vatolampy, ho an'ny Rano. Andriamanitra, enga anie izy ireo ho tena mangetaheta androany, enga anie hisy aina be sira manodidina azy ireo, hany ka izany no hanao azy ireo hangetaheta an'i Kristy. Ekeo izany.

<sup>234</sup> Mombà anay rahariva, Ray. O Andriamanitra, avelao aho hahita, amin'ny alàlan'ireto fangatahana ireto, an'izay ao ampon'ny olona. Raha tsy misy na inona na inona eo amin'ny fon'izy ireo, amin'izay fotoana izay, Tompo, dia Ianao anie hanome ahy zavatra iray ho toriana amin'ny fon'izy ireo rahariva.

<sup>235</sup> Tahio ny Rahalahinay Neville, sy ny vadiny, ny fianakaviany; ny fiangonana kelinay, ireo mpitantan-draharahanay, ireo diakonay, ireo mambranay. Ary Ny Vatanao hatraiza hatraiza, mombà anay, Ray. Mametraka an'izao eo an-Tànanao izahay, amin'ny Anaran'i Jesosy Kristy.

Ziona; mandeha miakatra mankany Ziona isika,  
Ilay Tanànan'Andriamanitra tsara tarehy.

Ankehitriny dia ndao fotsiny isika hihira an'izany, tena, marina tokoa Aminy ankehitriny. Hitanareo?

Avia, isika izay tia ny Tompo,  
Ary aoka ho fantatra ireo fifalantsika,  
Mikambana ao amin'ny hira amin'ny firaisansa  
mamy,  
Mikambana ao amin'ny hira amin'ny firaisansa  
mamy,  
Ary manodidina ny seza fiandrianana tahaka  
an'izany,  
Ary manodidina ny seza fiandrianana tahaka  
an'izany.

Miaraka amin'ny fontsika miondrika ankehitriny.

Mandeha mankany Ziona isika,  
Ziona tsara tarehy, tsara tarehy;  
Mandeha miakatra mankany Ziona isika,  
Ilay Tanànan'Andriamanitra tsara tarehy.



*ILAY RANO AVY AMIN'NY VATOLAMPY*  
*MANATRIKA MANDRAKARIVA MAG61-0723M*  
(The Ever-Present Water From The Rock)

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 23 Jolay, 1961, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2020 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)